


龍
眠
風
雅

卷廿九之三十二



龍眠風雅卷二十九目錄

木厓潘 江蜀藻輯

梁谿薛信辰國符 叅

同里陳 焯默公

馬之瑛一首 一百五十五

龍眠風雅卷二十九

木厓潘 江蜀藻輯

馬之瑛

字倩若號正誼崇禎庚辰進士授廣東陽江知縣用廉卓行取值亂道梗棄官歸里順治

九年以江督馬國柱薦起佐長蘆離幕稍遷山東定陶知縣潔已愛民蔚有聲望予嘗至劉家口渡河抵曹縣距陶四十里許道遇曹父老問曹民安否曰噫嘻曹何敢望陶陶下縣胥隸不敢至即至馬公下車來上官但以教下縣胥隸不敢至即至亦休令清嚴無敢犯嚮者陶熟地多加空糧半為豪右隱占公為豁減之陶舊例如里社挂總村集椿木駟僧雜稅之類歲不下千金公為罷裁之夏鎮壩夫舊有協濟若干名濱河夫柳富者脫而貧者倍公為請于上釋免而釐剔之陶天堂也吁觀曹民之嘆慕如此即陶民可知矣公為太僕六初公冢孫早失怙育于祖代父養志執喪盡禮凡皆太僕公之教也公口不言詩卷帙盈尺從不示人予嘗乘酒酣微言餽之則面赤墳起謝無有公歿後始得秫莊詩集四十卷于叔子繼融之手為節錄其什一蓋吾鄉實學率尚韞藏公尤深自斂晦

不賈虛
名者也

感念亡荆若在初歿

結髮二十年柔順執箕帚踰閭戒內言端居不出牖名
閨類貧家操作親井臼常嘆生不辰未及侍姑舅純嘏
喜方隆堂上大父母色養貴逮時婉約從我後盥櫛鷄
初鳴寢門問安不緬懷太僕公亦嘆爲佳婦我幼頗不
羈落落牛馬走飲酒可千杯讀書期二酉下帷倦窺園
經月一聚首爲我設壺殮爲我浣衣垢肅肅禮法中訾
笑亦不苟埒內肯烹雌尊前懼叱狗粧畢自畫眉案至
常舉手相對敬如賓耳語無喁喁太息爲我言閨閣貴
貞守中篝或墻茨在梁或敝笱副笄縱六珈可奈言之

醜男兒正少年努力三不朽主饋寂無聲不時藏斗酒
知我清白貽黃金無一有脫珥佐朝饗交謫未自口止
泣卧牛衣良璞行且剖維時急小草天末依五斗園葵
止勿裁饋魚勸勿受洗手自作羹晨夕慰紛糾生子方
比肩長者高及肘嬉戲常怒嗔熊丸和座右嗃嗃約家
人動色不答培氛瘴海上多何意三年久瓜期奉壘書
奏最報元后擬徽黻佩榮爰酬屢屢厚妖夢起長嗟占
者曰多咎甫病卽支離鳴園內杻異路從此辭蓋棺
正重九荒服無良材狸首愧廣柳一命未及膺雉露晞
朝阜嫋嫋來何遲招魂殊不偶總帳懸空堂塗車委荒
莠已矣難爲情終身矢不負

塞上曲

塞草盡燒荒秋防已孔亟募卒僅三千兵法方部勒偵
諜託降丁真偽未可測暴風自何來吹我牙旗踏平安
火不傳吏士色如墨殺人近邊墻監軍猶諱賊

稅穀行

筭緡及舟車關征久爲厲抑末寓微權五穀獨無稅一
自秋塲登千艘憑鼓枻天災動流行有無庶相濟加權
肇何年史公丁丑歲維公惠且廉清風襲兩袂但以兵
戎興偶出權宜計本擬汔小康權罷關母閉未敢聞度
支正恐沿爲例何意逮今茲恪守如王制私糶動經笞
闌出必追繫使者自監臨會計誰敢戾持籌析筭區汎

舟依次第賦歛雖有程輸納實無藝估客豈急公求贏
計纖細緩急善持人恫喝能游說操艇自逍遙我稼日
留滯鼠雀苦益多催科求早貫金粟不相權徵賤乃其
勢立法本征商農夫反受敝履畝亦何殊况當早曠際
公庾頗告盈母乃非豈弟澤未霑遺黎利仍賸季世寄
言創制者經久畫利弊

長夫嘆

使者頒嚴檄屬邑徵長夫長夫何所爲軍糧資轉輸料
民閔丁壯遠役懼其逋齋送責閭里亡匿罪妻孥各言
軍汰峻未敢試微軀臨發復前却恒聞吏怒呼力役雖
古義歲不三日逾調發越百里流離實載塗軍校少矜

前車馬
怨責辦在須臾我本良家子蹴踐如人奴日落與得息
馬鳴更刈芻大府憫勞止已下免役符恩命誰復阻空
繪流民圖戶口漸見少井邑更就蕪通衢莫敢議監謗
有妖巫

農家

晚禾喜秋暘晚蔬喜秋雨拮据各自私天地誰適主寒
早禾旣稀婦子徒作苦嘉蔬摘復青改田藝作圃

喜密之至匡山

所思杳無極萬里藤峽陰忽聞遊子至已入廬山深盈
几皆貝笈放歌悉商音惟有彭澤宰千載知此心

示室人桂氏

抽簪非不早僕僕復奚之我行方自訟女子未易知何
以佐晨炊埭內有伏雌歲暮當遠別百物無一遺惟爾
安我貧緝繡勉自持布席禮金粟精懇久不移諸孫爭
繞膝含菽代我飴我常獨循省僮僕私語時夫人雖不
祿攝者幸亦慈我生飽憂患四十鬢如絲食指日以繁
有田蕪未治辛苦立門戶經亂無化離征徭井邑迫行
矣當託誰關塞逾千里未敢定歸期歲時感霜露采蘩
湘釜錡

故山

無邑無名山邑遠山不附丹樓自如霞青翠若相赴望
望總不遙惟我龍眠路帶郭雖有河沙淺不設渡村烟

上田廬春榮敷草樹時見樵子來亦與香車遇野徑入
嶠峰平臯開廣圃夾岸多居人不患桃花誤一從京洛
遊空令芳菲度何處望雲峰荒烟遮古戍

寒蠅

秉質非歲寒撓夢無昏曉適從何處來素絲汚其皎止
棘一營營類聚旋擾擾永謂炎風薰寧計秋霜晶氣候
既乘除撫翼非昔矯弱喪自依塵不待塵尾標耳目雖
暫清生成更不少

讀達夫詩達夫滄產也

常侍磊砢姿才譽籍天寶篋中人日篇傾倒杜陵老一
出卽名家學詩何在早佳句杜寄高詩有佳句汰如何至今傳遺蹟

無從考英爽鬱各山風流委蔓草後起有何人大雅還
共討

出塞行二首

輕兵度大漠日落黃雲集軍壘壓敵營月黑防潛襲康
居道未通餽餉遠莫給萬里乞援師死生決呼吸銳馬
如游龍渡河不沾濕東南塹已填西北攻更急風起忽
揚沙敵勢稍稍戢夜半突圍歸黎明及馬邑吏士倖生
還驚定猶飲泣越國非萬全懸軍忌深入但保玉關回
何必功名立

提師三十萬主將好用多鳴弓朝夕馳前臨無定河帳
下無人色帳內舞且歌絙葦約流澌冰堅士暗過轉戰

十餘日腥血橫凋戈殺人非所願介冑恥言和軍吏翻見推刀筆恣譴訶封侯誠已矣其若戰士何

讀鄭所南鐵函心史

筆削古所難况在勝國史嗟彼陳氏愚好惡淆本紀所以百載後發憤習鑿齒先生宋室遺一命未及被錢塘潮不來匡門颺難艤或溺亦或俘天意可知矣坐上揮公卿忌諱慷慨指灑血紹興陵切齒宗室子厚德侔乾坤自視若犬豕奮筆數萬言言言皆力警書中力詆吳與以宗室屈長跪白世尊宋臣為宋死耿耿不可磨臣心如此水書成身可捐鐵爛書方燬世代幾興亡汗簡猶未毀呵護有鬼神蛟龍為之徙先生恨既平先生書乃起謝子謂

也羽生同時志與先生比徘徊吳越間其意固有以設位弔廬陵慟哭不能已得士如兩君誰謂宋運否至性自天成豈必衣金紫維彼夏與留早已聞風靡

贈程丈

君住山中久山中奚所事吹火汲清泉耕田驅瘦犂村隣兩三人淳朴不識字荷蕢亦相訪濁酒時共醉經年始入城生平未見吏繞舍種桐梓歲久可為器白髮秋來生冉冉老將至非不念男子多男乃多累卜隣每負君避世良匪易

書情

行散無名園避人依土室聊以謝譴訶敢曰希高逸邑

音賦風雅卷二十九
里盛金緋我獨下士秩餘祿得幾何復自渡江失衰宗
多男子問字齊繞膝存者六丈夫所生乃踰七天寒裁
復襦大布裂數匹雖與名山期安得婚娶畢短髮固蕭
蕭晨興不廢櫛悲來卽作歌積久亦成帙霜下掇菊英
秋後收橡實被褐更何求負暄就冬日

詠燕

羽族爾雖微導氣亦能蟄春至體始輕雨迅飛偏急舊
巢留雕梁翔集未嘗入徘徊更擇楹層累泥猶濕趨舍
豈無心牖戶欲自立却笑鳩何貪鵲居暗相襲

少年行

殺人邯鄲市亡命赴漁陽軍吏募趨勇拔我列前行牙

旗朝忽折敵銳不可當將軍迷失道麾下盡張皇躍馬
挽長弓辟易左賢王論功推第一衣繡還故鄉天子賞
前罪意氣何揚揚讐家不敢問盡室反潛藏閭里諸俠
少匍伏進酒漿人生等死耳不如死沙場

定陶小邑人易爲豪成賦額畝不知自何年隱干
七百餘頃額不可少乃加賦小民曰均實不均
也予力釐之仿古井田法引繩丈算隱者盡首
實所虛加者可削矣數年後能無復去其籍者
乎爲之愾然曰吾以盡吾心已耳

兗州隣徐豫河濟流所潴作十有三年民力甫得舒屬
邑陶徧小城中百室居任土昔定賦萬頃猶有餘豪強

肆兼併籍爲害已除計頃十損一則壤亦成書富室避
夫征鮮民其勞與河決常蕩析賊至多丘墟皆嗟九式
制不及萬曆初我來百年後經界法益疎焦心獨荒度
尺寸未許虛前驅無吏騶暮宿必僧廬疆場稽舊畝未
耜辨新畝引繩億塍接披圖萬井臚原隰相哀益丘賦
溯權輿田疇誰喜伍法立始躊躇庶土忽改闢積巧乃
盡祛畝略增豪右稅實減里閭稅減耕自濙比屋漸有
儲雖增亦未增按籍適相如敢望輿人頌因回使者車
兵使者督視屬邑獨未至陶但恐歲月久抗法復恣雖民事安可緩
平政卽衣袵

上林行

武皇上苑雄畿甸外立周廬中幄殿芻蕘有禁人行稀
草茂泉甘雉兔戀一朝講武事蒐苗千隊貔貅明組練
設施畫地縱韓盧先布長圍環四面射聲只數羽林郎
生駒亦解騎宮媛舉幟候人報兕來至尊命中無虛箭
壯士爭求殪獸多圍場萬馬如飛電侍臣皆進詰戎詩
行在還開飲至宴相如諫獵屢陳書武帳深嚴未召見
長技猶傳下大綏散樂空勞徵近縣君不見射雕伏虎
幾稱能皮革羽毛翻不賤

車上見

彼姝十五來誰宅學抹臙脂髮盤額駿馬能教柳葉穿
弓鞋不遣蓮花窄引車入市簾還揭雙轂深埋三尺雪

音耶風雅卷二十九
瞥然含睇一回頭似笑書生衣百結

看市中畫

十疊雲峰封積雪投林寒鳥飛將滅一幅輕綃數百年
宋末元初未易別我欲求之惜無價彷彿溪山都不差
自有天然一畫圖歸家但坐龍眠下

答隱者

軍府迎降先署狀寧肯副車椎博浪彥回名士壽偏多
子卿足下歸無恙故國千峰可寄家兜鍪原不妬袈裟
金陵舊恨空沉鎖宰相新隄自築沙國成誰秉邦離析
黨禍亦由君子激林宗何必獨仙舟賓碩纔能共複壁
烽烟幾載歷江湖萬歎全憑佛力扶游子尚堪依母隱

侂人俱已仗天誅素心自指井中水任是波瀾風不起
入社何妨有白衣誤人不信皆青史我亦雲林學駕車
風塵翻令業因加爲語山靈休見拒從君還一轉蓮花

罪言

我昔解組粵江天松楸急欲謀新阡霜露奄忽近十載
三喪猶未歸黃泉偏使灾祥憑術數遂因慎重成迤邐
時平已獨悲暴露一聞風鶴尤顛連不知禮教誰相尼
自慟便宜未敢專誤人最是青鳥說龍耳牛眠豈偶然
君不見賈人贅婿之孫子馬鬣猶能祀祭田

長安種花行

君不見長安戚里好蓄花園丁助長催萌芽培土却防

風暗入羃窻尤恐雪交加一朝淑氣轉南陌姚黃魏紫
何芳華直令天工移節候却憑人巧闢豪奢紫絲障內
翻新曲白玉舟前舞落霞俱誇造化子能奪歲歲枝頭
花可掇詎知生意已潛枯翻教本實因先撥轉瞬繁華
得幾時敗莖殘葉徒轆轤過客留連異昔年主人惆悵
恒天末珠簾空捲幕空垂甘井自胥膏自割試看種菊
在東籬節物相催獨願遲秀色不因涼露改柔條偏與
歲寒期凌霜陽月英堪餌封土明年茲又滋紆餘自飲
天和足遲暮非關人力衰白衣但肯常相餉任是飄風
亦耐吹

哭孔璋弟

別汝已久期汝至欲商無限家園事三朞未葬最關心
我擬松楸爲汝累汝身原健汝年強醫藥經年從不試
兒婚俱畢且生孫四女獨餘三未字亂後田園尚盡存
林間伯仲差堪侍不知何故動櫻懷懽喜場中亦憂恚
常勸此非適性方我別誰人復寬譬我年略長身倍衰
柳質恒愁先隕墜何期門戶忽凋零汝竟匆匆忍我棄
易簣自於陳饋時視瑗諸兒同汝季自悲祿比嶺南微
不似前分慰汝意永訣那堪無一言相待鴿原在夢寐

友人釀飲設樂感賦

春風花落紛如雨夜吹虜築朝鳴鼓羽書城上自張皇
剗燭華堂徵歌舞十千斗酒偶成懽短髮鬢倚檻看

惟有梨園諸子弟威儀猶許偉衣冠

叛兵

關西壯士金僕姑三百汗血青驄駒縱轡彎弓向城罵
椎牛醜酒奚爲無不知虎符發何處叫城未啟入村去
丁男被逐婦女悲安得鷄鳴天卽曙

棄婦吟

空房張燈婦獨泣車馬皆在門前立上堂掩涕別姑章
還君聘時衣一襲憶昔十五嫁君子三朝拜堂六親喜
妾貌難比枝上花君心還似溝中水溝水東西無定流
青絲轡頭黃金鞦尋常門戶非君匹須得盧家女莫愁

曾孫晬日作示敬兒

曩在神宗已未時我祖五袞鬢將絲顧我孳孳九齡
耳捧奠子立常傷悲怡園惟課書多讀絲竹車騎非所
蓄間信于公久必高賦如枚子偏能速維爾之生歲一
周錦襦翠襦金鏤鏤別業甫成年尚健曾孫已見祀何
憂風木相催詎相待薦食惟餘遺像在當年膝上尚含
飴此日庭前多戲綵我管舉爾方壯時爾之抱子亦非
遲孔釋敢云天上送桑蓬亦向戶前垂湯餅炊成賓客
至攤書試指之無字英物誰教溫嶠知阿翁初就張憑
戲萬里歸田已數年洗兒無復得金錢宗衰豈望克間
慶身老先將主祏傳楚楚清揚羞足喜人生寧必衣金
紫但能分授十三經莫問飯牛與牧豕

定陶地近黃運二河額夫歲辦不敢告勞惟夏鎮
協濟初止輸金尋復輸夫歲糜民間數千金者
十餘年矣予引舊制請於朱大司空合邑惴惴
謂必致嚴譴不意公利病久悉卽報如舊制則
公之大有造於子遺也式歌且舞聊代輿頌云
爾

自昔濟河惟兗州厥土平行無崇丘隄防有時薪竹竭
井邑到處魚龍遊河伯璧馬雖虔事尤恃人力爲綢繆
由黃入運夏淺澁新河夏鎮控中流或濬或築諸大役
歲發屬邑丁男修陶丘相距五百里畚鍤日下臺符搜
初止金錢助災患後乃力役恣誅求維時守宰爭不力

迄今征調猶貽憂健吏皆如石壕怒單戶翻甘土國留
工程卒歲方終事爭避公命如仇讐痼瘵幸達司空聽
輿革容扞小吏謀輸錢以外不輸役十人已遣八人休
符檄縣堂少旁午耕稼場圃常優游省謠旣免石人懼
娶婦何必妖巫投仁政當爲百世守輿頌敢告東諸侯

夜賚行

守臣告災六郡同賜賑新恩出兩宮已許丁男具簞釜
夜半忽聞城上鼓襁負及城猶未曙傳舍咸空使者去
爲問燈前大賚誰偏是城中輕薄兒

征馬行

衙鼓未鳴胥未集驛騎傳旗叫城人將軍昨夜宿吾州

緩轡平明亦抵邑百隊犧牲萬束芻主掾張皇怖且泣
前驅幸有壑隣方乘韋境上猶堪及從者先容盡得懽
道傍長吏惟長揖頻催征馬不留行隣邑今宵愁更急

寄爾止

克間欲叶商瞿願常將弓鞬為君勸遊踪經歲滯他鄉
翻令宜男姬抱怨誰能好客客如歸老矣常披舊布衣
荏苒漸忘何代臘飄零寧辨故山薇才名未易齊江海
葑菲何妨亦就採莫待奇章來謁時贊詩偏在人前改

餉李仲臣疾

不見李生久秋風夜漸寒故鄉今幸達獨爾未來看壑
薄酬醫儉城孤抗敵難掌珠何日合抱病動長嘆

仲臣令嗣

為賊掠去

望父老為先祖所樹碑巋然魯靈光矣

舊圃依邨近豐碑似昔高凶荒人必賑裘馬族誰豪社

為樂公設鄉從魯相褒數年雖賊過未忍犯秋毫

鄭中丞瞻

禮碑下久之

喜弱息至

信至驚相問江干果繫船縫衣慈母線埋玉茂陵阡見
面能無慟焦心不記年分離兵甲裏骨肉幸都全

山間雜作示友四首

散髮依豐草風林鮮靜柯力耕癯莫勝採藥誤常多次
第羣峰暝參差衆鳥過尚餘遺烈在片石忍重磨

先太僕公

碑在
竹城

石米半千錢皆思萬曆年野空兵大掠人徙若誰聯植
竹成籬弱編杼試渡堅燎衣薪復濕寒雨暮山邊
名園誰可借別圃擬常過適意非絲竹縈懷止芰荷宦
情元亮薄酒債少陵多種樹何年長吾衰鬢已皤
笳滿江南夜天如塞北秋塾因將徙廢墓及未崩修譚
劍羞榆次坑降快杜郵理生何太晚種橘一千頭

哭馮夫子

烏屋瞻誰止龍髯望易遐君亡寧就隱國破自無家宅
刈新栽柳村餘舊種花讒人猶未殛目不瞑懷沙

江程阻風

驛路將千里風霜客自疑附舟求就逸衝浪悔乘危市
小儲蔬少帆欹展篋遲不如驅款段猶可踐歸期

旅中送爾止返京口

客舍相依久秋聲又送君孤舟從此別哀笛未堪聞有
襪爲生結無金許仲分焦山還待我亦擬擢江雲

舟中

雨止風猶逆舟人亦懶操近江潮忽長艤岸舫微高野
市懸帘晏關征警夜勞喧厖聽盡日巨石激狂濤

野泊

永晝惟高枕長年倦拮据那堪連日雨幸有一床書避
浪依高舸尋庵入廢墟最憐江口泊晚食尚無魚

飲鄧毓之舍

未秋先刈秫斗酒爲余藏往事思猶悸浮生在轉傷渡江同返里警夜必登堂落木紛紛下天心漸欲霜

返里旬日即逢初度二首

四閱庚寅揆皆從海國違猶能留室在獨未見城圍吏忽抽簪早人憐受祿微斑衣如鴈序兒子塾中歸白露零庭樹高眠擁舊氈山留芳草徑皇覽菊花天塵尾常懸壁狐裘數改年傷心皆健在遺挂獨堂前

赴毓之招因步城外

常作俘人懼江南共避兵有才仍落魄無恙幸歸耕倚岸看新漲移尊就晚晴譙樓知不遠戍鼓最分明

過友人舍

暝色息羣動人聲市忽虛尊非沽得酒床有讀殘書借屋如期燕垂綸豈在魚編籬何太隘惟恐駐高車

山行

地僻兵稀至良疇近尚蕪草深牛背沒河漲馬鞞濡問俗山中朴求隣野外孤百錢雖挂杖村釀向誰沽

贈許弁

髯紫聲如虎行間久識君望塵知敵數飲羽失鴈羣養士皆經戰投戈亦學文鴈門烽火急推轂故將軍

贈姚休那

相國不復作山林意轉親笥衣無適主園笋可分隣志

音地屬牙卷二十九
校同鄉怨詩編自祭真道中誰守劍是昔盜牛人

寄來元成

一自投簪去吳門不再過孤桐淮甸阻修竹越山多讀
易知憂患傷時廢嘯歌至今遺愛在天柱共嵬峩

過惟聖蘭若

高樹陰常合窻開不斷風繡幡存亂後淨地得城中月
色三更正秋聲萬葉同玉簫吹未歇居士住墻東

過枚及

賈山尋復出山內亦風塵塾啟收微贄詩成質故人身
知學道健家悔避兵貧此巷居雖陋因君俗更淳

宿莊上

舊榭惟存礎新篁已及簷牖開風亂帙庭淺雨沾簾荇
動遊魚過枝垂宿鳥添宵長偏易醒攬幔月纖纖

追憶李仲臣

昔在河梁別憂君病益羸餉分安邑少書報秣陵遲孤
子雖趨塾生妻自去帷篋開先技淚人日草堂詩

示兒

吾鄉雖古處兄弟共居稀念有老人在兼之舊業微因
貧常得聚無母更何依但省原鴿意誰能卽背飛

感舊

名郡多靈藥從來可避兵城方分喋守刃已脇笈迎欲
死人翻救雖歸獄亦成悲歌何所向島上弔田橫

王柯城移賀令卽贈
才大無盤錯南訛警漸平權從三楚去吏在九疑迎民
徙還依砦商稀偶避兵橋山奇絕處待爾徧題名

贈孔方訓

九域塵飛白靈光亦廢垣斯文天未來闕里檜偏存古
學兼高第家聲卽國息長身誰不識奕世聖人孫

昌黎云孔

子三十八世孫長身而白

曲宴

客自先期至杯從密坐寬晚花微動影羅袖獨知寒明
月高臺迴清霜落木殘遠山難得見向爾兩相看

寄姚若侯給諫

拾遺非不達三徑力求歸老至猶人役田園顧久違書
遙難卽報兒幼幸相依一自投林後危言漸見稀

示日思方思

相送無親戚孤舟未易回極知江路險故待汝兄來舊
帙休潛失寒衣已豫裁持杯毋再泣翻觸暮年哀

憶省齋

相送憐雙鬢流光鬢倍殘事忘須夢補宦薄作遊看告
予身粗健兒歸室暫寬微聞新詔意舊學憶甘盤

唁爾止讀禮

好遊還似昔遺恨果終天寢疾誰嘗藥奇溫定廢綿舊
遊千里遠多難一身全指斥皆時忌新詩莫浪傳

邊詞

侍子催猶待輪臺壘未成名王秋好獵壯士夜能偵青
塚傳宮怨黃金致敵情傳烽都上馬十里鐵衣聲

野次獨遊

振衣無定處縱步信春風小市數家接雙塘一水通犬
聲茅屋下人影落花中欲挽乘軒客心期恐不同

示枚及

庾嶺雄南服孤舟路幾千君曾來荔下我每卧花前粵
女跟常跣徭人耳盡穿春風停馬處飲水亦留錢

送南行者

左掖經過處銅人泣露盤可憐遊子夢猶作帝京看涼

榻依僧借新書就市觀烹蔬皆自購安敢累園官

采石磯泊舟有感

憶昔龍飛日鷹揚第一功恩深三恪後運盡百年中天
險猶堪守偏師不待攻雄圖頓寂寞松影偃長虹

寄里人

聞君新徙宅種柳似墻高試浴看鳧長呼芻節犢勞挾
書兒散塾守箔婦成纈春水塘將滿憑懸舊桔槔

送友南回

下詔敷求日猶聞獨乞身始知明主意原不强留人別
墅花逾昔歸程麥漸新送君因自省誰負故園春

挽外舅次魯潘翁二首

前題 卷二十九
丈人雖宦達貧不減諸生令子多猶聚慈親亂失迎聰
明真太露服食竟何成生時頗好神仙總帳懸中寢賓朋有哭
聲

同坦王郎腹恩情異館甥謂密之也何人爲間阻至死莫分

明旅殯歸難定兒婚壯未成百年皆有盡荒誕是蓬瀛

朱薨

朱薨通碧落邸第一時新開國威儀簡功宗燕賚頻旅

葵堪試獵名馬不驚塵優孟衣冠在東來入使臣

集方爾止潘蜀藻談詩爾止將有遠遊

已作河梁別還從擲果車避兵舟暫艤卜妾掃方加吾

黨多高步初唐幾大家空簷風動燭寒色上梅花

偶成

曹簡何煩假名園任自娛賈偏乘怒馬俗尚祀妖狐土人

謂之狐仙勝蹟惟毛井能詩止達夫故人誰善釀愁問酒家

壚

運艘

古制存民力淮船未入河却因疏鑿久益致轉輸多吳

楚千檣下幽燕五月過常平遺法廢歲歲漕風波

寄秋浦所知

本謂移家近俄成失路悲人因流寓賤里自聚譁危山

秀銅官冶魚肥太子池閒來盤石上濯足畏潛知

閒作

漸悟窮通理何妨我泐疎閒情寄花鳥鄉思及茶蔬
曠宵愁守樓甲暑畏居牙籤雖較溢中有未還書

贈于丞

將母趨微祿才名渤海聞幕依王主簿坐異孟叅軍晚
出常徒步齋居偶賣文報衙今忽早訊牒長官分

追感

秦督潼關一失機坐看賊騎兩河飛連營禁旅登陴散
列省援師入衛稀寧鎮貔貅當北撤 鍾陵弓劍可南
依不知國計誰相阻空對雲山慟落暉

與左三山侍御談次偶成

蠡湖甫別圖經驗牛渚方通歷數終讐至父兄寧忍共

議關軍國敢求同亦知有徑歸元亮自信無書託子公
時事既更文物改誰人還識舊時驄

王幼公得寶應司訓

薄祿何如一逮親知君強仕本因貧從來淮水興王氏
此去揚州作貴人甕社蚌光聯曉月射陂鶴背掠秋旻
東南佳麗稱茲土不必抽毫賦洛神

金陵懷古

建章宮樹晚凄凄木末亭前積甲齊狎客詩成新綺閣
相公吏散舊沙隄晉人遺事多江左李氏家聲墜隴西
冷落狹斜諸女伴采蓮不敢到青溪

懷包長明

二月歸舟別小孤至今音問隔江湖建安名士餘龍尾
沛縣功臣半狗屠曉漏催絳黃浦布高秋先納鶴沙租
東吳饒有葫蘆種陸子曾攜入洛無

賦答友人

室遠誰能命駕勤僧廬伊邇故期君吏呼偏自春疇怖
邊警潛從客座聞惶恐灘中文信國浚稽山下李將軍
何言當日家皆破青史於今必有分

寄方爾止

客居難得草堂成又向寒江欲戒行且載老親歸舊里
還將荒畝募春耕依人終有登樓恨授簡翻虛賣卜名
君愛杜詩憑取讀倦懷何限故鄉情

偶遊

秋聲纔遣小車遊新黍知君尚可謀病後故園容抱膝
愁中明月畏登樓竹松半剪猶侵徑鳧雁羣浮不避舟
欲使荒疇今盡墾勸農先拜富民侯

晤何次德卽留小飲

牛車載藁禁城過神武門前雀可羅此日舊遊名士少
君家賜物御書多入朝江令青谿宅懷古劉郎西塞歌
蒲黍來朝看節序秦淮燈舫近如何

辭辟上馬督府

野浦霜寒衆荻鳴挂帆小艇御風輕屋中白袷皆卿族
江上青山是客程祿似曼容常願免名非枋得亦催行

獨憐井邑多灾苦寬貸煩公緩二征
即事
專閫將軍又渡江平林新樹碧油幢
師行十里稱持重
謀散千金誘受降牧馬秋原分鹵獲
椎牛山郡乞封樁
不知楚國諸耆舊一犒還須璧幾雙

懷古

鍾山虎踞接龍潭誰道金埋王氣含
神策既監軍始橫
南陽不問吏尤貪強藩茅土容多請
秘閣絲綸許獨參
一自景陽歌罷後無人烽火隔江探

懷王子瑛

江關船稅月逾千奏記惟君力請蠲
病起即登看蜃閣

宦歸僅買載書船每逢國諱臨郊外
欲報親慈跪佛前
猶有鄉園遺烈在冬青潛記舊陵遷

呈何省齋

相國諸孫少好奇輜軒偏喜載鉛隨
兩朝制作君家事
一代文章帝簡知豹尾車過常獻賦
鷄林賈至獨求詩
遙聞院吏私相語彷彿端明視草時

記聞二首

薄遊天末南渡事一無聞知投劾以
來間與客
語始聞所未聞因悉次之以律

樞密維揚代治兵歸朝僕射各班迎
馬以定冊功還山
中宰相書初至
阮時居幕下
參軍計竟成
宗室朱幾載

音耳屋牙卷二
赭衣徒有恨滿廷
草履盡無聲
寶刀夜吼朝須試
先試

橋門太學生
時捕吳次尾等甚急

熒惑光叕掃御屏
華林酌酒勸長星
八風肯作欽明舞

三日愁看僕射醒
主器至尊酬擁戴
避兵文母報居停

太后新自豫來
一時鵲印爭承籠
不辦彎弓不識丁

漫興二首

朦朧日道守黃河
刁斗無聲任謀過
灞上軍還空議戰

會稽使遣未求和
舊招猛士封侯少
新附降人入侍多

辛苦督師誰與應
書生誓死不投戈

播遷誰實誤乘輿
纔出宮城衛士虛
雙闕獨沾遺老淚

千官分侍貴人車
會稽邸內新垂綬
光範門前幾上書

不是王師飛渡早
江南黨禍不輕除

室無長物呼者盈
門誰云吏廉可為乎
然亦未敢

悔也

醉抱離騷揖酒徒
春山安可負蘼蕪
端溪憑載多摻硯

合浦能還幾去珠
展墓三喪愁未耐
避兵百口懼將俘

殷勤使者徵求急
長物今來一簞無

讀爾止詩却贈

嘉遁惟君志獨堅
畝山自校十三編
帙分便可成年譜

梓授還須待俸錢
偶向隣封看渡虎
每逢春暮拜啼鵲

唱酬別有餐霞侶
未許鷄林購一篇

送錢亦友之曹州

時與王瞻文同行

前集卷二十九
杯酒諸藩盡釋兵旅程無警送君行蟻封試騎同王叔
犢鼻當壚別馬卿雲起岱宗碑就讀館隣稷下座常傾
耦耕濟北逢予友何限嚶鳴萬里情

山家

春風曉日歇鳴鳩芳杜芊芊徑轉幽野澗援蘿猿偶聚
荒畦撤棘虎羣遊若平猶有頽垣繞客至方將舊憤求
我亦草堂思小隱故人未見寄貲修

惟聖擬歸山居

卓錫秋雲問所如欲安金粟必精廬秦山自聽幽人擇
漢網惟于老衲疎溪靜藥苗乘月採雨過菜甲帶烟鋤
前楹多種芭蕉葉待與懷師乞草書

雜作三首

分闢無如黃鎮銳師貞移赴荻江招誰沉北固千尋鎖
不上西陵六月潮景略心猶存晉室子山家尚在南朝
一開告密多收捕夜夜青燐遍內橋

恤緯無人不隱憂猶將罪已詔潛收移宮脩怨先翻案
定冊論功盡許侯內地止聞添禁旅上流空自忌江州
試看堂阜三薰沐誰祝君王記射鈎

燕去還存舊草堂北窓引枕卽羲皇敢云白社尋高士
差並黃冠老故鄉小婦止爲司饋聘衰宗多自遇兵傷
橫箏休唱開元曲鶴髮宮人欲斷腸

示友

漢殿每逢佳節至千官
酺集午門前祝釐溫室班隨仗
禱雪齋宮樂撤懸原廟
忽遷諸帝祏遺弓僅祔舊妃阡
茂陵寂寞驪山伐銀海
金鳧更可憐

古塘

不到郊西歷歲時忽驚
土木肇淫祠令威敢信求仙易
伯有原爲立後遲蓀壁
未昏還拊鼓筵尊任客自稽疑
翻憐前代功臣像荒草
高臺廟享移

感作

五夜微行勢已危世臣
猶令守闈辭元妃自請霜絃憤
貴主親揮血刃悲下吏
百官輸犒薄勤王諸將渡河遲
官車卽使圖遷早侍從
先愁馬力疲

用張垆事

金陵雜感

煌煌玉牒本分明捧日何勞定策爭
切齒同朝多異已
快心天子亦門生大權欲久先通內
秘獄雖成適召兵
無限恩仇皆代報受降原擬一箋迎

南郊

祠官祀典肅南郊燿火宵明豹尾交
雍時瘞埋陳木駟
江淮包匭薦菁茅靈旗畫斗秦風誕
秘祝移災漢史叟
九奏旣終鳴蹕遠都人臺笠望雲旃

漫作

春晚原期卽附舟東籬短褐尚離憂
倦遊益自慚偕計
左授何如許乞休蟋蟀影寒霜下月
梧桐聲減雨中秋

茂陵女子無心聘切莫懷疑賦白頭

偶成

官制頻聞輦下更兜鍪出牧尚專城諸藩歲犒留常賦
萬里軍機授本兵貢舉漸清愁法變逃亾益峻激廷爭
魚鹽以外非吾事使節雖過亦不迎

別無可

南朝古寺盛威儀結制偏隣正學祠才子自來知事佛
高僧無不喜吟詩客歸行者收茶具院靜袈裟挂樹枝
鐘磬堂中燈火夜惺惺惟懺少年時

樓船

樓船將發詔重催使節新從諭粵回事涉禁闈無史筆

地隣豐沛盡卿材朱厓颶起舟難渡錦石春深瘴未開
但恐功臣銅作柱伏波終不畫雲臺

山晚投宿

空山烟樹漸歸鴉悔不前溪早駐車野碓自能舂橡粉
樵風偏易落梨花鐘聲縹緲雲中寺鹿跡分明雨後沙
欲學烏衣堂上燕飛棲處處可爲家

挽沈



開府

纔泊東吳萬里船青衣軹道上降箋老臣厚祿身先殉
小邑重圍守未堅陸子空傳黃犬信謝公難度白鷄年
向來國事相稱許何日生芻拜墓前

弔古

王風初降黍離離舉解偏忘在莒時
萬里戍烟橫感築千村寒女廢機絲
東山猶奏朞功伎丞相常圍瓜葛棋
此日池頭誰灑淚大酺惟有樂工悲

示諸兒

白髮初看易愴神燕居爲爾著綸巾
豈無玉璞頻題石莫把金根妄改銀
畫荻未堪思往事落花差可悟前因
江潭我亦行吟客遲暮何曾怨美人

呈客

花發方知二月春柴關竹徑盡生塵
仲翔久已無知己叔子何嘗解鳩人
稽古不勤悲歲晚葬親獨儉慟家貧
誰將封事裾還引灾異新聞冊大臣

挽詩

曾阻中樞浪出師橫挑強寇羽書馳
國危誰請圖遷早事急方言用子遲
受命獨於兵敗後全城偏在敵增時
如公大節難更僕此日人纔一二知

過張子猷舊居

甥幼竟驚矣

因君不到酒壚邊每憶風流動泫然
重見蓬蒿開故徑尚餘楊柳似當年
素車誰是生前友薄業惟存郭外田
最是斷腸霜露久孤墳還未卜牛眠

過大羅菴贈與疎屈遠兩上人

疎林忽度遠鐘鐺無著天親共一龕
幾次瞻依傾悍賊獨留松檜護茅菴
鹿馴講座呼常至泉涌香臺煮更甘

清磬數聲催入定西來大意靜中參

衆謁

三年重入皖江城城內居人尚未盈却笑王孫先白鬢

敢如馮子忽青盲松舟暫繫誰懸榻箬笠常敲自正纓

欲署逸民愁見譴舊時官闕備書名

期遊

積愁惟有遊差遣幾日春光變柳條村舍牛羊歸牧晚

獵場狐兔逸圍驕山迴孤嶂深藏寺溪滙諸流驟溢橋

猶與江南風景似知君乘興不須招

甲午初度在滄寓作先祖以御史視長蘆時予

生於燕署

初度問予皇覽處桑弧原就邸中懸偶將蒲柳餘生數

亦在魚鹽小寓遷已佐司農捐薄俸誰為京兆表新阡

先太僕公未卜一抔蕭蕭白髮休嫌早晝夜平分九十年

宋尚木以新集見貽兵艘旅泊未及趨候為悵

龜貅千艇擊冰過萬里蛟門盡倒戈

尚木從大將軍入浙平舟山返帳

下亦招諸劍客集中更續古鏡歌受降始嘆兵容盛飲

至惟言廟略多欲向仲宣還借問從軍苦樂近如何

招友

卯兮城下春方啟武帝臺邊月自來治行尚推龔子卓

詩人偏數達夫才河漸沍雪官艘阻獵騎爭解畫角催

此夜剡舟如見訪敝廬將近勿輕回

憶江南

花飛已在暮春先
樹樹黃鸝與杜鵑
到處詞人攜錦瑟
有時遊女墮香鈿
戴顓肯阻雙柑興
工部曾傳再拜篇
此地自來何寂寞
鶯鳩乳燕滿林前
滄無黃鸝杜鵑
自滄抵津皆先大父視
離地俯仰今昔感慨係之
司農鹽鐵漸難供
讜議賢良未見庸
三命窮僧思我祖
百年桑土賴神宗
泰壇常誌銅人戒
岱岳猶辭玉檢封
縱使甘陵爭似虎
垂衣何疏不優容

放歌

舊遊零落今如何
一喜一憂兩鬢皤
簡書人畏我亦畏
婚娶子多孫更多
馬牛且應漆園叟
弟妹獨悲同谷歌

秋後平安信不至
側身南望愁黃河

予昔吳遊同門張環生
令武進誼甚篤愴然有懷
琴堂君獨為予望幾度書來始一遊
饑似淵明何必諱
食惟仁祖不妨求
各天風雨三年別
古寺鶯花兩月留
此日隣人未吹笛
山陽猶自淚恒流

卽席漫占

高城擊柝飛晚烟
明月在地亦在天
客至因有看花約
官貧寧無沽酒錢
詞賦技小動千載
南池以杜各疏淪功堅
難百年人生聚會行
樂耳別後相思徒惘然

無題

朝罷常攜衆婢行
綢繆各士悅傾城
小垂手接大垂手

前緩聲催後緩聲戲折桃花留呪面教馴鸚鵡倩呼名
燭烟香篆珠簾捲太守唐書漸易成

朝城陳公贊化向令子桐惠人也距今三十餘年
詢其里人竟無知者爲之志慨

我生備見諸循吏豈弟惟公政更平祠下幾人猶墮淚
碑陰當日亦書名掖垣大節歸尤早盡室長齋果自成
故里此時無一識嗇夫留葬有深情

示兒

敢如花石平泉記漫擬松筠給事莊別業自應依古蹟
畫樓翻不稱山房酒旗市近能求夜蔬圃渠通必傍塘
數卷圖書容膝外蒲團須足奉空王

都中友人長律見貽步韻代簡

草堂常晝掩雙鯉至江南落拓憐同學浮沉問寄函食
貧惟尚儉習懶遂成憨客路憂懷璧君恩免負擔經年
玄閣秘一枕黑甜酣夕浦瀦時泛秋崑雨後探焦心天
早魁抵掌吏廉貪奉倩常悲婦延之豈易男繁纓皆短
袖繡鬢更垂髮看竹過隣苑烹葵宿野菴羶青姝足慰
衣白復何慚曾遇危礁颶旋揮瘴嶺嵐聲名荒服陋典
故漢儀諳久願駑駘老兼愁麴蘖陳情如李密問佞
恥顏含物態門前雀殘緣帙內蟬吳宮埋蔓草晉室誤
清談質愧侔蒲柳材誰似杞楠華子名第五不慍已無
三管帽方裁皂陶輿舊是藍種瓜開別圃洗藥近澄潭

客散因彈鋏，讐捐莫淬鐔。采芝賡綺季，岐麥慕張堪。谷口青菰飯，遊人碧玉驪。鷹鷂饑始附，虎乳怒尤尅。製芟孤臣許，茹荼棄婦甘。狂奴猶故態，此子亦新叅。澤潞烽初舉，荆舒亂正餒。乖厓聊自况，嘍喏且須涵。循省生前業，皈心禮石龕。

和姚休那自祭詩百二十韵聊以述懷

中天萬國衣冠會，憶是神宗恭巳時。我祖受知繇赤縣，至尊常許進青規。埋輪貴戚投簪早，執簡貪汚解綬遲。褰幔爾時無墨吏，省風到處毀淫祠。瑯邪郡內方行部，御史臺中正誕岐。先祖出按離政每以平反邀母喜予生於燕邸止留清白可孫貽，羣鳴燕市驚鷓鴣。千仞吳雲謝鷄鶩。

槐柳恥齊和，氏宅芙蓉聊擬習。家池閔予少，小遭多難有弟伶。仃共百罹三世，四人炊火慮隔年。雙殯蓼莪悲鹿車，坐膝忻相慰。鷄骨空床泣，自支里社詎爲孺子罷。高閭翻令邑人疑，曼曼豈曰無同姓。了了端能不好戲，席接華生旋待割。園如董相未經窺，揣摹記室三都賦。上下黃初五字詩，犬子當爐惟犢鼻。孟公自况只鴟羹，家聲恒懼卿慚長。客難何妨否復唯，生事一肩供俎豆。文心萬頃淨琉璃，孫登縱達隨箕踞。匡鼎談時最解頤，飯犢溪山朝扣角。篝燈小閣夜懸帷，紉蘭休羨荊州橘。種竹寧殊蜀郡橙，橫逆孤身嗟集蓼。飛棲數匝嘆無枝，先祖見背予嬰舊氈幾屬偷兒有。寒谷誰將短律吹，已

恨頭顱良偃蹇不禁戎馬遽流離戍樓宵徹村村火春
野燐荒處處犁効死竊憐懸磬室圖遷那得渡江貲治
兵孰肯遵程尉殺我誠愁是太師從此鄉園通洊亂遂
令生產更難治長纓猶切終童志白水何期仲妾知憑
轡鴻文三策就遙瞻翟羽五雲移李公門下登真幸蕭
傅關前署勿辭笏竹漢江偏叱馭梅花庾嶺獨牽絲才
迂敢厭專城陋腰折微嫌小吏卑下下道州先自考平
平定遠竟無奇三秋寡婦懽遺秉百畝公田懶樹葵舉
策愧還數御馬省謠忻未謗裘麕颺來海上雲如墨瘴
起山頭草不蕤夢到思鄉常隕淚體因運甕便成疲故
人頻枉臨邛駕邑子誰爲定國私薏苡半車疑象齒屐

屢廿載慟羊皮計偕奏最方高第洛朔傳聞有異詞孤
懼畏衝千峽險輕裝笑度萬峰嶷俊厨忽捕平原弼督
責新行相國斯虞子果然無弔客坡公總不合時宜灘
生空泳雙飛鴻印鑄難成左顧龜宗慙片帆風浪裏臯
通一廡大江涯味同鷄肋真堪擲路過羊腸更覺巖秋
浦攜筇看落鷲齊山枕石聽鳴鷗兩螯倘得杯浮卓三
弄還邀笛奏伊堂處久知焚漸及厦傾瞥見木能楮粵還
寄廬池州時左神州蠢爾皆多事天下絲茲莫可爲周
兵北師爭下室東遷因徙洛宋家南渡幸留磁雖拚山後憑飛血猶
奠淮南再卜基惜也鋤蘭專服艾傷哉種豆轉爲箕中
書饒貯斜封勅宰相都同沒字碑令尹但思求蔡佩孟

明毫不愧殺尸謳歌頓忘吾君子開府偏酬謁者兒詔
獄株連悲范博江潭搖落怨湘纍臨春艷曲競翻樹羯
鼓名園總號梨廊廟但知同譙笑關河誰與問盈虧全
淮列鎮旌相望小隊揚塵轍卽靡百雉莫能九解守兩
軍僅得一句持師行未敢鳴刁斗圍合纔令布蒺藜房
瑄古圖迷八陣韓原戰士奮三施王師時謂爲南復惟
仇兼南未報之也
中秘畫催遷蜀塢內金錢類築郿面縛行間俱管敢身
捐江上僅桓彝黃大將
軍死事寢園盡撤增荒草社本全刊止
廢壘易服忍看李若水從亾惜少子家羈共歡曆數移
丹穴始信驅除借赤眉追迫不清丑父飲救遲未擊信
陵椎義均袍澤矛空作鬪等鄉隣髮莫披倏忽竟更新

節序依稀不覩舊威儀眼前陵谷全非故身外浮雲詎
可期爭瘞爾知誰夢醒卜居我欲問龜著但憂下溟田
難墾尤誠高堂坐勿垂薄祿旣殫仍衣葛傲廬尚在且
誅茨陶潛甘就潯陽隱徐廣寧辭晉室遺頗怪雉置尋
密施却聞鳳德又將衰臣年方壯還無似客語俱佳未
敢警燕故依人猶舊棟鷄皆作饌只空峙他時致餉公
忘少今日乘騎叔不癡門閭果應羅有雀家貧寧覓酒
如泚慵書咄咄深源字最愛汪汪叔度陂搶攘幾邦爲
樂土陸沉誰處乃安轍沈公不與何公似馬氏難將陰
氏比曝日喜分田父暖御風期託庶人雌鞠函至此生
偏值夙業伊何願每畸聊以役車休蟋蟀試看和轡促

前車馬
卷二十九
掩嗔東陵瓜熟疾安在北郭薪多負亦罷世事通都驕
颺颺浮生永夕證菩提焚車悔斬比隣借出獵愁逢醉
尉欺遠道懷人惟撲滿荒年計口各蹲鴟久無坐客羞
文舉擬把琴聲學孝尼半豹甫窺才遽竭一流將盡色
全隳褚淵游錫貂蟬珥江總重居獻替司蚪篆分曹同
載筆馬醺初耐共調鼎遐方遍遣崇班撫逋賦嚴催健
吏追隸籍二庭多甲族酬功五部悉名姬見知驟駭刑
書峻放逐專憑廟筭慈謬想明堂開左个屢勤天子下
前綏無雙漫道曾推信一足徒云已得夔老我于茅凭
澗石避人秉耜理春耨座容逆旅常爭席法恣高僧偶
說碁鬢漸向蒼緣作客肱通未折勿言醫筵筭虛詣靈

氛卜蒼蔚真憐季女饑林下諸賢任放誕謝家羣從互
追隨珠投明月須防闇玉種藍田本是玼餘有壯心空
落落雖教執手不惻惻製成初服歸歟早彈出高山聽
者誰鶴唳霜臯殊寂歷魚書天末易參差千金寶劍交
遊俠一束生芻避繫維此際汝南誇月旦何人江左繫
安危輕紈自分臨秋擲章甫翻因適越啜養性務教形
似木持盈頓悟器如欬莫云瘠土艱糗黍但是名山便
產芝馬角可能生一哭蛾眉從昔詠羣媼遍觀烽火魂
先奪回首瘡痍痛入脾白袷漫勞虛左席素絲奚以畀
明詒吹求始識聲名累荏苒難揮歲月來寥泐憂天還
浩浩窶貧食力固孳孳河清共幸人能俟試看扶桑日

獨麗

武帝

遠求西王母近舍東方朔尚不知神仙神仙安可學

李陵

深入浚稽山軍散鼓下起縱使脫身歸亦就刀筆死

偶書

京國客何多衢市塵常滿一出刺一投一歸面一盥

戲示室人

我累多男久汝愁無子深縱邀諸佛力難慰兩人心

過友人坐久

竹影移朝旭樓中已畫眉佳兒聞索抱偏是客來時

道半舖

農耒全荒駐戍旌深村虎跡曉猶明兒童生長干戈裏
不信從前有太平

卽景

橫笛誰吹出塞行新辭但聽更傷情不如吹作甘州曲
猶是梨園舊部聲

宮怨

羊車隣院久承恩月色中天獨閉門夜夜守宮何用搗
金籠鸚鵡自能言

友人許覓幽莊訊之

山下斷橋湖上阜數間茅屋滿籬花隔墻隣舍憑多少

未可都無賣酒家

市書

農圃遙知果不如
牙籤還插鄴侯書
他年即使無人讀
猶可箕裘付蠹魚

卽事

長松如蓋草爲茵
微雨初晴月色新
我自欲眠君自飲
醉鄉原與睡鄉隣

笑賦

洛陽風俗舊難居
但得田多卽勝書
季子再歸無相印
不知妻嫂更何如

七夕悼亡

渺渺銀河極望遙
鵲飛經歲亦成橋
傷心獨有吹簫女
一去秦臺未可招

席上

雲和斜抱面微遮
銀燭更深自落花
試撥鎖南枝一曲
南人亦解聽琵琶

有感

石馬淒淒噪晚鴉
寢園開徧野棠花
滿山麋鹿今何在
守冢纔留十數家

過村中

新雨初濡菜甲齊
虛堂無戶任鷄棲
爲貪天柱峰如筆
故遣柴門獨向西

龍眠風雅卷三十
題長卿傳後

待詔何人帝不憐
書能諫獵更稱賢
為郎未久文園免
得幸同時亦枉然

演劇偶感

排場勿遽問團樂
試向悲懽取次看
大地此時皆是戲
却憐悲後更無懽

有感

白楊樹下石碑前
族葬人人隧可遷
獨有江南風土異
青鳥動誤百餘年

龍眠風雅卷三十目錄

木厓潘 江蜀藻輯

吳門王 吳惟夏 叅

同里方嵩年東來

蔣 臣 十八首

潘映婁 四首

錢秉錡 六十一首

楊胤昌 六首

吳應琪 十五首

龍眠風雅卷三十

木厓潘江蜀藻輯合

蔣臣

字一介初名姬胤字子卿少負才名風規岸

舉者公以公應踰年乃就徵會貢舉發策有齟齬此
試銓部當得邑令辭不就未幾大司馬范公景文
薦之至京換足國三議議漕屯鈔鑿鑿可坐言起
行大司農倪公元瑤見而嘆服上書請授官所著
召對平臺敷對詳練纏纏數千言退乃繕寫所著
書以獻授戶部主事甲申京師陷走葵倫堂自經
以所知救之不果遂間道歸史相國鎮淮上留與
共事公嘆曰奈何以監軍將五狼乎因為策淮上
情形數事相國欲以監軍薦固辭之公為人孝友
淹博事父母嘗長跼堦下不命不敢起于書無不
讀所著作散失什九晚多病益侘傺不合時宜迄
未一展其用云

吳門逢劉憲石次原韻

魂歸楚招餘與子重覲面茫茫噩夢中未審何由散憶
子疇昔時汚泥深念亂傷哉彼何人大權迭以擅安危
利其災淪胥若奔電渺渺望河山墜泣通宵倦后羿殪
陽鳥昂精爍炎漢今我復奚爲盧敖遊汗漫相見不能
語但悟朱顏換蒼松摧作薪勁頂應難變哀衷勿具陳
別袂行當判俯仰終古心還同六如觀
白門逢張素民值其初度慨然有作張爲余同庚

生

灑氣結空雲天地亦窳窳貞婦掩幽窓燈昏忘夜永不
悟梅已花靜聽淒風緊義馭久蒙塵照臨其曷忍含悲
撥箜篌調苦絲亦珍陽和旣啓蟄芳緒紛相引登樓瞰

城市繁華盡朝菌及期崇明德礪齒相勉黽君子保終
譽高牖方射隼

贈止水

止公不相見歲月未云久昔爲青獅兒踞地能哮吼今
來眉髮蒼相對成兩叟緬懷三十年駒電騁虛牖廣照
層城隈水雲斷塘口香焚清梵餘經行屢携手帆影度
禪窓漁罾挂楊柳得句夕陽下質疑鐘定後未知惠休
輩得似今人否別去東西馳蓮社慚終負持論物不遷
天運忽陽九井竈十萬家寥落歸何有狐狼塞路衢荒
榛翳隴畝一二敗琳宮狘狄聚群醜腥風白晝昏匝地
青燐厚對此淚沾襟嘆息踈踈走豈意靈光殿猶逢舊

時友翛然一枝棲結構大如斗床頭挂瘦瓢儲粟不盈
缶心同出岫雲暫任亦成偶我來日已暮雙扉徒倚叩
淒淒話平生炊爨具藜糗驚我罹百憂始衰遽黃耇慰
我嬰瑣尾緼絮不掩肘問我近來况婆婆姿視余首向平
累尚賒陶潛已斷酒所嗟少年日妄意三不朽不朽亦
何爲幻夢誰當受孔墨空筌蹄曩老亦窠臼任運委形
骸脩身齊天壽未俗安足嗤白賁乃無咎道味別有親
萍聚良非苟

登招寶山

日薄風政驕濤勢壯于天穹窈何其隘混濛一氣連仙
人不可求神禹泣蒼烟我欲往從之蹇裳徒迤邐長鯨
瀆微沫崩騰沸百川動植無復寧夫誰使之然本期曠
觀覽翻令百憂煎感彼東逝波何時復西旋天吳奏妙
瑟調急皆哀絃愍茲濁世士徒欲貴生全運會有終極
瞬目成桑田澄穢決其流置身黃虞前當軒數息坐一
矣萬慮捐

苦雨吟留別吳幻澄父子二首

苦雨吟留別吳幻澄父子二首
谷風何颼颼積雨何瀾瀾陽和一以逝霽景杳無期毒
霧沉山川夢寐懷噉曦晨起支頤坐比屋斷朝炊居人
不自聊况乃恒苦羈因之懷鄉縣別已逾三時家累廿
餘口巢棲艱一枝城郭豺虎橫坐臥魑魅隨瓶粟久告
空安冀命如絲欲居無羽翼悔出亦驅饑千慮集寸臆

徘徊竟何之

浮雲無定馳飄蓬無膠枝蹙蹙自古然悵悅心恐迷何
意鏡湖隈遇子成心知蔓草欣邂逅緇衣愧改爲天運
政玄黃志士皆蟠泥譬如枯魚泣濡沫恒相遺又如穴
樹僵念友忘其肌始悟陶公旨冥報各有私謀歸久踟
躕又欲與子離歸思絲無緒離愁脉脉悲執酒不辭傾
淚溢如泉滋世亂苦別離徘徊竟何之

柳生爲余作天台四威儀圖詩以酬之

衰年汗漫游誤入天台路七月苦炎蒸巖巒沉濁霧性
僻耽搜竒數被山靈妬流雲無定依歸權將西沂寄語
謝山靈逝將從子任縛茆棲妻孥糞火煨新芋倚杖華

峰巔經行朝復暮巖頭惟晏坐有時寒拾遇倦卽枕松
眠靜聽溪聲度鑿空窟地脉凌險回天步與爾爲一身
秘奧誰能護今暫與爾離去矣勤復顧有客撫掌笑笑
予疾何痼人生如幻影意適卽成趣何必几席間寄形
皆有寓吾令子神游頰仰來寐寤經營方慘淡意微體
亦具或如瘦鶴閒或如蟄龍怒或如木全槁或如鍊生
鑄余意所偶到楮墨已先注旭日東溟生萬象莽回互
幽澗笙竽哀風驟神靈雨劒氣耿耿熒熒波明自吞吐塵
俗寧可偕顧盼生毛羽握荃采椒蘭遂復掩群媿沒跡
久藏身遭子頻露布子能貌予真予亦爲子賦

感遇贈劉伯宗

音甲風雅卷三十一
夙昔秉遐尚託契依丘樊炯戒師明哲息機謝群援山
月照蘿薜偶開松下罇素琴發清籟宿鳥時高飈斯際
穆懷古孤緒於焉存時艱亦念哉舍藏道所尊感彼華
實滋獨寤永弗諉主上撫鴻運九載未濟屯絃網遍入
挺翹車賁苗園是時無留良與子同見掄天路苦榛棘
豺虎彌川原關洛數十郡戰哭皆新魂子也陋微管奮
翮必鸞鷟余方戀南陔藝黍供晨昏出處各有適素節
諒自敦不聞莘渭人媿效公孫三復沔流詩未俗誰
與論

憲石招游虎丘次韻奉答二首

木葉亦已下蕭蕭墜白波橫空旅雁急向晚野燐多殘

息愧猶在名藍喜共過相看絕勝地朗月照瑀戈
山川猶昨日金虎氣全凋萬事蹉跎盡千秋涕淚遙寒
蟹依畫舫歌桺臥平橋異地暫相見何年復此宵

投贈王念尼兼用惜別

故國荒烟外經年猶未歸雁聲寒更急木葉靜還飛江
上悲戎馬客中逢投衣踟躕臨岐路但覺素心違

庚辰秋杪客清湖所期不至留滯數日戲拈陸間
韻意緒無聊偶爾成詩索詩題不得也三首

歸去猶應熟空山答浩歌裝傾陸賈盡圖列少文多生
計如鳩拙閒庭任雀羅佛塲能及第名起黜賢科
榛蕪悲故國垂老更無家寄壘如新燕爲園學浣花苔

痕深沒屐菜甲淺含沙卽此堪終隱人生會有涯
微霜被衰柳轉覺客程難候歷四時變所經千萬山稻
畦空翠冷藜杖野烟閒寥曠看鴻雪羈棲亦破顏

讀心史偶題其後二首

萬古共彝倫肩承仗一身真膺惟恨事開眼盡讐人歲
月因循老河山涕淚新敷天其北面之子獨含辛
吞聲無可說淚迸自滂滂易朽千年骨難灰一寸心重
泉埋積憤白日照孤吟止畢生平事寧論稱到今

贈人

晴雲掩靄晝陰陰仲蔚蓬蒿一徑深自領寂寥叅鼻觀
未忘孤憤動悲吟陸沉畏見河山影蒼莽難明天地心

予亦寒巖倚枯木肯容蠟屐漫追尋

雨歸三徑

騎驢踏爛古城東笠子遮寒借牧童只在望中開小徑
翻從畫裡咲山翁平疇菜麥稍宜雨隔岸桃梨尚却風
拾得墮巢薪一束撩衣炙火地鑪紅

潘映婁

字次魯號復齋先司馬石乳府君之仲子也

君甚珍賞之天啓間拔貢崇禎丙子已卯兩中副
車入太學會朝廷方銳意求才力破資格將欲大
用之忌者揣上意所嚮預騰蜚語喉言官以風
聞入告乃召而面試之公伏地起草進獻上覽
而目注者再御批文理平通蓋直之也順治初以
浙江台州府推官擢兩浙鹽法道為臺使扞罷復
以副使兵備福寧州皆旋起旋歸未罄厥施其詳
載予所輯家譜中公為文淵博瓌奇不媿名進士
詩特其緒餘晚年播遷閩浙亦與其制義
民然無有此江所為益擊而歎惜者也

從子玉芝二十勉之

記爾生時我十八爾今二十我白髮人生駒隙竟何常
雙丸肯把流光歇轉憶爾翁病革時病中猶望產佳兒
父歿三月始摩頂試啼果然非愚癡爾祖小字命日念
家聲清白知無玷尚擬焚黃樹隴碑豈徒留硯攻鉛槧
卽今霄漢爭攀躋期爾姓名榜頭題區區終軍棄繻何
足學當學日下五色雲見韓稚圭韓魏公年二十登進士第一
壽光祿盛翁泉先生
今上龍飛日明公鶴算年三朝留柱石幾歲暫林泉望
久蒼生重尊應綠野偏小儒滯南國遙上紫霞篇

酬何司空大瀛

大雅將誰託斯文宛在茲曹南多夙譽水部最能詩月
俸存官米風塵伴旅葵琅玕頻贈我慚不是潘尼

送友人遊江東

江上楊花似落梅輕舟遙向武林催赤城霞氣朝朝見
滄海潮聲夜夜來此地山川猶不改故人樽酒好常開
况逢靈運鳴絃處春草池塘夢幾回

錢秉錡

字湘之別號桂莊老人晚年棄科舉業以詩自娛弟兄唱和盈帙臨歿猶作詩一首而逝

和舍弟秋聲詩

虫聲

新秋搖落後窗外有鳴虫切切孤燈裏淒淒細雨中如
哀終歲苦自訢別來寤不寐通宵坐愁懷若與同

葉聲

秋聲何太早忽已到庭柯
井幹隨風起山腰挾雨過
客懷成感易人老觸悲多
滿耳亭前葉蕭蕭奈爾何

春聲

納稼新秋日春糧薄暮天
高低聲不斷遠近聽猶連
響入中宵急風從隔樹傳
何如深澗裏水確任流泉

紡聲

寒衣初授候村落紡聲新
嫋嫋鳴通夕悠悠接四隣
殷勤忘夜永辛苦為家貧
隻影孤燈下虫音暗自親

和舍弟秋村詩

除架

蕭瑟園中架傾頽僅半餘
豆開花漸小瓜臥葉先踈
老圃刪殘蔓寒虫悲故居
一年時一換此日不妨除

補衣

畏冷寒偏早三冬尚未過
裘温原不羨衲破却如何
線綻重縫固襟殘著補多
水田衣樣似人道老頭陀

篝燈

孤館當秋杪清燈此夕篝
戶於將黑掩虫不向明投
偶起觀書興何勞鑿壁偷
深談有好友挑盡語難休

葺茅

蕭然斗大室草覆已經年
濕爛苔多積披離瓜亂纏
誅茅乘白晝補屋待晴天
從此床無漏安心雨夜眠

錦萸二首

初栽猶是莧彩葉擬秋間何意霜時色偏於暑月殷因

名悲老景

一名老來紅

對艷愛朱顏好護東籬下相留雜菊

斑

鴻雁何時到

一名雁來紅

秋光滿院賒淺深黃間赤舒卷葉

為花拂砌千重錦依墻一片霞凋零容易事飽看意無

涯

黃鸝

入夏樹陰陰中多黃鳥音雙飛穿細雨百轉出疎林靜
入閒人耳愁添少婦心幾迴聽不厭幽意坐來深

百舌

積雨空林畔枝頭聽鳥鳴如何一樣舌翻出百般聲瑣
瑣喧盈耳紛紛巧弄情細推通物候讒口不須驚

惜老詩

老鷄

幾年籬下畜未曉報窓前登樹新晴日栖峙薄暮天勇
猶逢鬪見啄每讓雛先自有故人約聞他嬾著鞭

老犬

亂後荒村破年年一犬存迎人常在路防盜獨當門尾
短愁貂續心雄見兔奔早留帷蓋報真見主人恩

老牛

終年全仗力最苦一春忙卸輓纜成熟加鞭又墾荒及

時乘小雨歸巷在斜陽舐犢情猶戀誰將問喘償

老馬

原無千里足况乃暮年時伏櫪心徒壯嘶風力已衰
垂雙耳帖得得四蹄疲款段稱鄉曲惟堪野老騎

春雪三首

夜聞風動地曉起雪盈臺老病終朝臥陽春隔日回

立煎茶留臘水問酒有新醅忽報園梅折呼童即看來

已乘青帝令底事白霏霏食稻開正盡炊烟逐日微喜

催梅蕊破惱應麥苗稀衝冷亭前立饑鳥向我依

五日元宵節陰晴總未知寒天增酒價濕路阻燈期衣

薄艱晨起炊遲忍凍窺尋梅兼訪友不似少年時

小年

一年幾節度此節亦佳晨曆日將辭臘枝頭漸近春傾

囊酬債王技淚憶亾人無限淒涼事何心更厭貧

老景

皤然六十叟散髮咏江天食少思常食眠多不苦眠心

慈翻受累口直易招愆去死知無幾紛紛底事牽

夏日訪元蒼上人

精舍相違久偶然乘興來山深人少到水漲路重開屋

角垂瓜蔓墻隅種芋魁遠公留一飯雨霽踏泥回

喜老僧園中種田

厭乞人間食來耕園內田火燒除蔓草水灌引山泉力

作從時令豐收仗佛緣更期多種秫釀酒醉逃禪

九日同愚公暨諸弟登高限山字

不盡登臨興扶筇步履艱秋光深到樹江氣遠浮山老
友吟詩苦高僧對酒閒賦成推伯仲酬唱夕陽還

秋日長河堤上

天寒霜落後秋色滿堤賒是港皆通水無墻不臥爪人
疲趨野店網集識漁家驢背沉吟久詩成日已斜

思歸

避亂深山穩經年兩度過殘生雖得免薄業却荒多白
日看滄雨青尊發浩歌題書江上問賊信近如何

入浙訪五弟幼光

時弟有黨人之禍

浪跡傳聞到越城相尋岐路却魂驚祇云飄泊同王粲
不道踈狂罪禍衡兄弟睽違千里隔妻孥濶別兩年情
寒風細雨吳江听難聽孤鴻天外聲

蘇小六十初度四首

痛哭滄桑此日情近來懷抱對誰鳴百年幽憤空衰老
萬里艱危屬聖明禾黍尚青先索賦逃亾未復又徵兵
兒曹休向筵前舞杯酒還留祝太平

天道誰言往復還窮愁如我自年年披裘五月當風快
絕粒三春闔戶眠到老木疆終不改趨時瓠落止徒然
一生微賤同牛馬肯受他人白髮憐

雁字同行僅半存休誇馬齒一門尊髮成雪色終難變

青瑣居牙卷三十一
眼現金錢久已昏孤苦相依憐寡女癡頑不去弄孱孫
十年筋力猶能健野外優游學種園

人事紛紛無了期閒中樂趣老纔知浮名過眼都成幻
生計關心亦是癡婚嫁粗完聊稱意糟糠尚健喜齊眉
山中此日逢初度恰好鷄肥酒熟時

秋日懷初光五弟吳門

吳門底事久淹留日日江干望爾舟鴻雁影疎三易歲
桂花香散雨經秋阮途何處垂青眼謝夢于今賦白頭
一醉他鄉明月夜可能不動故園愁

送江干

與君難見却輕離千里長江酒一卮日落丹楓愁去路
鴉棲衰柳動寒思蘭舟不負朱門約竹榻還虛白社期
此去欲歸須及早梅花臘月是開時

哭李文若二首

時危抱影在江沱嬾向深山問薜蘿書集亂餘留舊業
田開荒後畏微科笥中久秘義文訣壁上猶傳呼吸歌
倏忽九原成死別曾無永訣痛如何
天道沉沉若未知斯人何事數多奇種蔬易米家常乏
賣麥輸糧腹苦饑此日孤兒恩未斷多年親柩葬無期
可憐生死誰相念交義于今媿昔時
喜舍弟樂易堂初成三首

音韻原卷三十一
五架三間新草堂梅花遶屋竹編墻向陽闔戶冬多煖
依樹開窓夏有涼中座森嚴祠父主偏隅僻靜置兄房
亂藤野棘都刪去莫礙山中好月光
汗漫從前老未休歸來築室小山頭草生池上謝家句
竹滿林間阮氏遊自破窮愁書一卷欲除渴疾茗三甌
于今永斷紅塵想招隱無如此地幽
我鬢蒼蒼君亦然餘生只合此堂前悟來周易人難領
註就南華世已傳山色遠看渾似畫松風靜聽不須絃
自憐倘得年年健早晚相依伴阿連

田家晚春六首

項下髭鬚總是絲委身丘壑政相宜光陰似客留難久
閒適如僧睡起遲灌圃種蔬央老婢浴階擲果戲童兒
草玄亭靜人來少惟見梅花結子垂
陰雨三春路不乾冬衣未減尚餘寒踏泥爛熳憐花賤
行路迂迴讓水寬愁濕黃鸝深樹嶺窺魚白鷺夕陽灘
江邊芳草連千畝獨上高臺徙倚看

斗室閒吟老影孤松風引步杖藜扶園中春色時方好
江上軍書可盡無歸雁窓虛乘月過落花地滿作霜鋪
寥寥人靜難消遣隣店常沽酒一壺
風花烟柳艷陽天自古閒人興較偏極目忽來山店雨
賞心那問酒家錢筍嘗林下行邊嫩魚買江頭上水鮮
却怪世間名利子笑予老大只徒然

音卑屋牙卷三十一
荒荒數畝水田低戴笠披蓑趁雨犁殺草莫如先布種
防潮惟在急脩隄時年安聽村巫斷人事常因候鳥啼
麥熟家家爭釀酒何妨一飲醉如泥
終歲生涯在小園爲因性僻避人喧老來倦眼饒春睡
病後調脾罷晚飧茅屋拂塵招燕子短籬插棘護龍孫
讀書有會心難禁時覓諸兒一講論

夏日園中卽事三首

數間茅屋萬松遮俗事誰尋野老家雨過土鬆宜種竹
風吹火著待煎茶枝頭雛鳥初成語壁上藤蘿倒綴花
乘興偶然高唱入僧厨烟縷隔林斜
賦就閒居十載餘衣冠無束意常舒空囊村店難賒酒

老眼明窓好著書犬吠似迎籬外客鷺飛爭攫水中魚
忘機漫說羲皇上冷暖人情已漸疎

葛衣初著一身輕策杖園中緩步行米賤不愁貧士餓
雨餘深快老牛耕小塘宿養魚苗長茅店新釀麥酒清
自笑終朝無別事傍人棋子點楸枰

落葉

搖落秋聲木葉悲金飈不禁苦相吹舞空幾處隨流水
墜地經時沒短籬山鹿宵行迷去路寒蟬朝泣抱空枝
可憐一夜飄零盡似我蕭蕭髮落時

夕陽

自惜光陰日已非晚來猶得見餘暉倦飛鳥雀投林亂

音耳 卷三十一
拋放牛羊識路歸返照映江帆影出殘紅斂樹舍烟微
唵茲西下難留住又向東湖望月輝

種瓜

老來學圃小亭前種得秋瓜半畝田
闢地分栽無用密緣堦引蔓漸相延
園丁頻囑鋤根誤小僕時防內履偏
帶雨摘來堪佐酒當年真羨邵平賢

春日同舍弟奏公赴吳來章爾玉浮山之約二首

入山春半見群芳一杖相隨野興長
雨後旗槍新茁茗風前劒戟嫩抽篁
健同穉子穿花徑側避佳人過石廊
登眺不須愁日晚深林月出透餘光

蒼苔滑處客來稀精舍僧閒晝掩扉
空谷遽聞雙屐響

石床聊藉一樽揮杜鵑花發春山映
布穀禽啼烟樹微細酌長吟迷去路
冷風吹雨濕吾衣

秋興

涼風淅淅動人衣驟雨終朝晚細微
屋爲燒殘迎客少園從亂後看花稀
藏書簪井心難沒采菊東籬願不違
極目山川無限恨那堪黃葉又紛飛

咏窓前老梅

無數梅花開滿枝老梅相向更相宜
素姿難與群芳競鐵骨何妨積雪欺
日對寒窓經歲久孤生僻地得春遲
年來縱乏高人賞一種清香自不移

哭四弟若士四首

夜深獨坐一長吁老淚燈前濕白鬚次第雁行原有五
一人遠去時五弟在廣兩人無香日不歸

孤眠數載已山僧弟隔床頭止一層風雨夜來長不寐
起行向我剔殘燈

夢回池草十年春刻刻常懷萬里人萬里人歸應有日
何如汝別即終身

兄弟同時已半凋傷心哭汝又今朝予年花甲光陰少
相問前途恐不遙

重陽後友人園中看菊

陶氏園中菊盡開我從門外看花來亦知已過重陽節
再向東籬醉一迴

一夜兩夢五弟

阻隔鴻書已十年夜來不覺夢綿綿莫因池草無佳句
萬里神馳到阿邊

楊胤昌

字蘭似萬曆間諸生幼穎敏絕人吮毫無停
思屢躋瑣院會國變改名肩隱居授經不通
姓字于長吏生平孝友祥順嶽
嶽懷方所著有逃吟分爽諸集

夜雨漫懷

一榻懸僧舍悠然夜雨成瓦傳疎密點風送斷聯聲縱
不深歸思其如獨臥情更牽新插柳贏得幾分清

立秋前二日小莊坐雨

山莊深閨寂風雨漫相過坐看溪流長頻驚樹色多涼
先生做席秋已薄重羅野老能携酒閒中發咲歌

試歸宿澤容方丈

勝結溪村舍方春是事幽綠延雲外岸青遍雨中洲靜
對常流水閒觀不定舟得來分半榻翻悔逐塵遊

九月十六日憶佑兒

不有丈夫性其如少子牽客中初度日江上暮秋天新
釀經時熟肥螯過雨鮮年年家宴處此際倍悽然

新正既望同聞日唯夏廣生看雪因探梅小園便

憇慈雲庵分寒字

盛雪應占瑞閒情共覓歡酒餘新歲瀝梅破入春寒倚

杖平林望環村碧玉團遲僧過竹院清映滿水盤

過心符西社

烽警虛傳早閉城偷閒應得訪僧行暖回菜麥迷村路

春到園林亂鳥聲好景得留深坐賞新詩不惜細心評

莫嫌短髮能余累此日偏多出世情

吳應琪

字景孟號東南崇禎間武舉少折節為儒久困童子科遂棄去讀兵法挽弓躍馬顧盼自

喜慨然欲立陳湯傳介子之功曾一舉于鄉而迄不得當既因國變年邁放懷詩酒間雅志者撰有渡江三弄求存宰詩稿嘗欲作金陵賦探訪幽隱攜撫閣傳所咏金陵篇其一班也其為詩麤豪自恣多魁壘用壯立功萬里之思自署院國男子詆媿白面書生不遺餘力于世所指為風流儒雅繡其聲以工文辭者輒散之靡足當一顧也子用鐸中天啓丁卯武解元順治丙戌又中武舉亦早卒未成厥志云

金陵篇

從來天子占南斗丹陽入斗十六度龍分三幹最稱雄

澎湃嶽寄神鬼護直至楚時王氣呈葱葱鬱鬱紫烟生
 熊渠不愛寶作鎮金陵由此獲嘉名嬴秦欲得其氣燼
 赭衣反鑿成方印張紘立德啓良圖孫吳京口徙爲都
 晉宋齊梁陳輯瑞李趙各將至震器雖然名號自言尊
 總屬偏安與閭位宅中獨有我高皇天誅造攻載滁陽
 削平吳漢開鴻業驅逐□元撫萬方非不眷顧塗山里
 亦思營繕舊周疆從龜從筮從卿士卜食惟逢此吉祥
此言金陵之盛建都之始也東就龍蟠西虎踞雨施雲行乘六御趨
 鐙拜舞肅冠裳謳歌訟獄懽黎庶黑齒白題獻壽來沸
 唇反面內琛去奠泰山兮四維之宸遊何日非春豫丹
 樓遠望燦如霞隈隩週遭百萬家身醉平堤金色柳猿

迷遙指玉雕花巍巍蠹聳妙高闕瓊室瑤宮礙雲月廊

腰簷牙迥插天牛首雙峰徒虛揭此言城郭之美弘開宮闕之壯也

甲第錫從龍帶礪河山盡實封已見徐常人列鼎又聞

鄧沐戶鳴鐘金書鐵券非爲貴鶴蓋魚軒到處逢相索

寧辭漏正急交酬豈畏日高春此言世宦之隆也王門便饒鴟

義者東市西市無休捨一劍慙恩恩愈深雙丸修怨怨

難寡莫愁湖畔錦聯帆孫楚樓中玉作竿避暑水厨列

滿庭登高雁檣飛盈野夜遊弗顧大誰呵潛身強半陪

妖冶此言遊俠之衆也妖冶咸居富樂邊宮妝妙曲實堪憐追

權遇席多洪醉好客逢人便擊鮮椒頰詩同奕奕反

腰舞掌各翩翩絲鬟見日吹朱燭赤足和塵掃翠鈿白

頭誤入心猶死爭值紅顏美少年此言妓樂之工也少年相聚

慣恣謔格五纜終換六博且往觀吐火吞刀自詡能跳

丸走索風裾月袂稱身裁霧縠雲紈襯體著彩鳳不去

鎮常飛繁花雖寒寧遽落此言里巷嬉遊服飾華整也緣屬三吳毗

富多乘時射利仗風波摸得明珠寐蚌窟捫將佳絹在

蛟窩揖馬舟與猶自可眠濤臥浪奈公何輸財巨萬無

慳色只買妖姬一曲歌此言商賈之富也靡麗悖淫真若此昏

迷顛倒底時已欲教炎海變清凉除是天龍特豎指達

磨立願自西來寶誌爰將覺眼開僧會精崇阿育塔雲

光妙現雨花臺座上旗旛寂未悟巖前一撥關如雷又

添幾輩飡霞客名姓久填綠字冊金虎存成不老身白

鴉養就冲霄翮痛非道骨與僊風縱臘嘉平豈易獲不

由世俗不皈依忍割裘輕并刺肥築得丹庭更紫府饒

他黃冠與緇衣塵緣未斷蓬根鈍終落他家箭鋒機此

仙釋之幻廟利之廣也所幸帝王尊聖教儒立文史皆學校焯掌

三年擅義龍澤身七日呼文豹貪汗尚可證貞廉頑嚚

亦自期忠孝此言聖王教育之神也况復吳兒盡石心通成志務

讓幾深席間函丈親師鐸壇上尋盟盍友簪仗鉞威名

馳雁塞揮毫聲價重鷄林笑牒言鯖添腹笥語眉瞬額

向消沉豪華富貴誇夷夏人物風流映古今此言金陵子弟之聰

敏四方莫及也近雖天地反乎覆新亭淚濕諸公袖克復神州

指顧間中興豈遂安江右飛龍正爾駕雲濤紫蓋黃旗

仍昔高直以聰明稱元后錫之智勇作人豪膺期撫運
真英主附翼攀鱗悉俊髦縞素除兇堪墜涕臥薪雪耻
詎辭勞億衆傳呼如挾纊六師感激類投醪宰相既知
難養晦監軍孰敢太將牢拘儒鹿獨雖炊餒願修矛戟
賦同袍掃清寓縣歸福地千秋萬禩樂陶陶

此言聖主當陽天意

助順人心效靈樂土宜歸也

辛酉冬太平不第歸過采石謁虞英烈祠

采石江邊土一陌人人作詩弔李白采石山下虞公祠
傾墻敗壁無人知立言立功俱一樣如何食報不同狀
祇爲國家久承平注意文儒輕武將所以賊寇日就強
邊疆戰骨如山岡神京已輸左臂去留都猶日試文章

文章自有實經濟多則千言少數字直抒胸臆號佳篇
拘墨牽繩亦何爲原是我祖賺英雄毆事詩書不事戎
今已內安三百載法窮須變變方通其如當途無人會
死遵功令不遵意摘華虛士俱蒙收真正英雄格外棄
春來文試下金陵父子空回淚對傾漫說武科姑孰易
誰知學劍又無成今朝策蹇江頭立咫尺風波渡不得
豈真東望海雲生還是悲羞捱一日偶到翰林祠宇前
欲酌先生囊無錢去去又復重去去北山幾箇長松樹
遙看一殿太敬危客裏閒身且散步登堂識是宋虞公
不禁涕淚灑秋風追憶紹興當日事也似于今賊內訌
名臣宿將駢首戮幸出儒生成大功固宜香火千年盛

前車風雅卷三十一
何期一旦粉牆空吁嗟虞公勿悲酸中原今正少登壇
天子親聞鞀鼓急自能特新君門闌且看李白可有此
吁嗟虞公勿悲酸

贈舒邑李景夷

在昔秦皇併漢武身厭宸居思紫府飄飄海上望三山
恨不一旦生毛羽寄言二帝亦何愚富貴長生豈可俱
既酬好大喜功願又佩金科玉簡符古今那得如此理
驪山茂陵草荒蕪惟有李生學最博苑苑說劍人誰度
化鶴爭傳飽七籤圖麟共許詣三畧前身應是老君兒
五千玄言不用師轉劫必又是光弼中與唐室功第一
根器原與凡俗殊所以事業世無匹吁嗟李生聽我陳
功名豈盡礙脩真軒轅問壽說騎尾留侯鄴侯皆名臣
萬事無不可並作秦漢之君非其人

燕邸下第有感

太平何苦獨從戎贏得身家兩處窮吳地有人悲夜月
燕臺無路振秋風千金郭隗名雖在一飯田文事已空
寄語故鄉諸子弟好書丁字莫持弓

遊阮光祿園子

欲覓桃源學避秦雙黃鶴引入嶙峋名花貞靜幽閒女
怪石嶽崿歷落人此外更何求綠野其中真欲絕紅塵
殷勤爲向山靈道莫遣漁郎再問津

蔣岱輿席上和唐際明京回有感分得陽韻

試問邊塵幾丈黃君來帝里定知詳請纓許否癡男子
仗鉞停無白面郎事到于今不破格病臨何處始尋方
相逢都有憂天淚祇向秋風灑一場

水中雁字四首

鳥官亦有簿書勞雅具文房類我曹苔淨平鋪左伯紙
蘆啣橫掃右軍毫處頒鳳曆辭天闕博採萍藜滯漢臯
燕鵲緣知時日事誰言羽族欠英髦

長空顥顥洞庭波正好相將踏碧莎塞上一朝傳點畫
湖中幾度費吟哦朔風斜逼竒餘及錦浪平儻妙補戈
人事恰宜窮體勢霜深筆凍莫蹉跎
羨殺鴻溝弟與兄六書八體盡天生篇篇帶有凌雲氣

筆筆揮聞擲地聲一向江頭一起草不臨池畔不騰清
二王端恨無君法尚在人間浪得名

澤國年來羽檄馳雄飛猶未厭毛錐影隨波浪雖無主
筆挾風霜肯讓誰怨別不裁湘浦瑟喜功偏勒漢江碑
有時露布傳沙漠海角天涯到處知

采石弔李太白

松楸到處盡荒涼何獨青蓮啓畫堂想是進賢應上賞
報君能識郭汾陽

予弔虞英烈祠殊多感慨甲子過之廟貌新矣再

賦一絕

千載荒祠久乏主行人怯入避風雨一言感得世重修

龍眼風雅卷三十一
到底重文不重武

春閨

昨日隣家女伴過相將邀我闖青莎
久拚薄倖無消息
一任宜男是汝多

亂離後同蔣岱輿九日

菊綻高枝縱未黃也須插作滿頭芳
不愁明歲無強健
祇恐花開傍戰場

龍眼風雅卷三十一目錄

木厓潘 江蜀藻輯

武進黃 京初子

同里張 度齡若 叅

姚孫棐 首 一百七十四

龍眠風雅卷三十一

木厓潘江蜀藻輯

姚孫棐

字純甫號戊生崇禎庚辰進士初知浙江蘭谿縣蘭最困莫如南米自邑達壩不翅三十

鍾致一石也公力請于上改本為折勒石永利以

薦調繁東陽邑人許都揭竿為亂公嚙指草血疏

身投池水中忽羣鵝鳴家人救之得甦遂馳入

深山招募義勇躬矢石斬馘無算又毀產治兵

平不獲叙功反有殺降之誣兩浙士大夫莫不訟

其冤焉公自署樗道人嘗作樗傳云生平惟韻語

頻警而觸物紀事一寄之于詩其自為寫照者

至矣所著亦園詩集六卷孫士堅為損貲板行方

坦菴先生序之曰用衆而不徇秉孤而不儉總是

約作者登壇畢竟三

舍推此老將知言哉

秋日同夏元夫四兄飲石龍峯

在

龍眠風雅卷三十一

音耶風牙卷三十一
怪石何巖峩積苔石色蒼商風悠然至松下命壺觴鳥
倦歸密樹洞寒背夕陽隱隱數峯西湖水如帶長酒酣
頻起舞幽懷殊未央仰臥視雲端皎皎夜月光

落葉

天地方寒肅草木不得意密葉謝高枝分披色憔悴如
聞入堦雨歷歷生清吹隨風半欲飛力弱還依地立化
轉若環五行遁爲吏不覩搖落心焉知栽培利葉葉亂
相委棄置緣底事最憐夜深時窓前得月易

送別方克壯先歸

家居咫尺間睽違不言薄蕭寺晨昏同談笑猶嫌略作
客驚歲寒天氣共寂寞可堪去住殊分袂神漠漠維靈

集層陰長江潮漸落一路布帆輕有酒須斟酌歸與日
匪遙風景想如昨鄉思因君深遊裝知子約寄遠報平
安含情感離索胡爲是栖栖愧彼檐間雀

暮過邀筵閣值四兄歸署聞予來遣送酒肴賦懷

細雨作旋止斜陽涼在水因憶溪上人茗具爲予俟披
襟謝繁囂呼童隨杖履如何來往間又隔尺與咫憑几
復開簾獨坐有妙理盆荷新試花香與風俱起遠山露
數峰向暮含微紫瞻眺未及終吟咏方經始波際小舟
來翩然載酒盞荷君知我懷壺尊惟所使清暑夜何其

觴倘相似

雨止廬州城闈

不入復不出一圍風雨中仰面語城上羨此百雉宗門
者騎鎖鑰叱咤弗為通自古稱如鬼為暴將無同久立
人馬寒昏昏濕氣濛飄搖安所托猶不如萍蓬茅簷低
於顛偃僂息渺躬眠餐一笏地相依爐火紅城頭響夜
柝城曲鳴草虫到耳不成夢村醪殊無功敲枕望天際
明星將在東

汲井注池橋上小酌

天雄署中作

朔方艱干雨日昃暑猶灼徘徊過井深深泉澄一勺愛
此清冷源忽憶前池涸挹注資衆力轆轤聲相薄行水
濬曲渠新流何濶濶輕風西南來披襟謝炎虐快哉疏
導功板橋堪命酌坐到月涼時萍開知魚躍

都門月夜大風懷夏元夫

意氣吹四虛纖雲無敢匿捧月上太空明明據高特稿
葉不勝風飄搖任南北挑燈事伊吾妄冀詩書力讀罷
念友人呼之如在側爾病甫小康鄭重寢與食聖主策
賢良有求如弗得詎為尺蠖屈滯此垂天翼但慮珠桂
艱易滅壯士色徃昔西山巔尊酒助文墨爾我共狂呼
曠懷曷有極今此黃金臺對月思惻惻東西十里遙調
飢滿胸臆

白叔明宅醉杏花

同方仁植年伯
白瑕仲劉五玉

晨起雙眸豁窓罅透朝陽新晴貴柔緩漸令花氣揚結
侶過山來醉日杏千章我心如花心爽發無覆藏呼尊

事崇飲高人聚一堂
酣餘覓芳徑藉草重命觴
惠風散林端花人酒共香
遙嶺雲意白平湖帆影長
麥疇已青青柳絲間綠
黃色色皆生動爲花助景光
不因晦積時焉知霽日良
拜手謝花神茲樂安可忘

貨粟

黃雲覆秋塲農夫慰力作
我室如懸磬何計處久約
阮囊錢不留范甌塵又落
斗粟幸相假饗殮甫有託
饑費烟火通遑問糲與鑿
兀坐茅簷下不語心自忤
雖有數畝田弗耕將焉穫
茹愁日日溪追往事事錯
矧復雲雷屯蘊隆漸爲虐
食指徒紛紜中懷轉蕭索
且勿小樊須勉旃稼當學

同程非二趙耕子句元達過許裕卿虛左小集時

乃郎元範出藏墨相示裕卿酌以冰壺液
春事夫如何偶訪林塘澳寧憚雙屐勞
微風散春服路紆山爲廊宛然成小築
紅餘華戀桃翠長色凝竹水聲何潺湲
烟影時重複呼歸響杜鵑催耕聞布穀
啟扉石徑幽列几盆花馥良朋快追隨
主人誠嘉淑牙籤鄴架垂展卷翫且讀
藏墨細品題研之光可掬應有羣龍窟
盤桓在笥籠留客坐須搖冰壺液初熟
勝遊談黃山傾耳動心目暮靄挾雨來
林樹承新沐爲咏考槃詩樂哉邁與軸

今昔

羈孤易爲愁襟抱多騷屑拮据奚以爲祗覺謀生拙愁
朝復愁暮所思彌恍惚坐寂一莞然蚩蚩何不達以今
遡昔看昔者愈愁切憶我鳴琴初從政心罔忽優游再
及暮簿書無隕越肘腋起萑苻患難有倉卒荒郊獨踟
躕泣盡繼以血北望再稽首臣罪難擢髮一死荅高厚
弗與妻孥訣枯骸赴重淵波臣同汨沒宵寒聞無人羣
鵝鳴且憂居民夜半驚開門競呼喝不見鵝見人浮沉
氣欲絕衆徃手援之得生翻悲咽留此不死身胡能補
罅缺草屨走山谿凍餒頻顛蹶饕殮霜霧中扳擠在木
末倦卧石爲枕代步筐共挈呼伯或助予奔趨又改轍
竹筏載愁人徃來苦莫述有時宿村樓樓下環賊卒村
老前致辭使君戒喧聒呼吸判存亡微服欽徃哲屏息
安孤眠猶恐聲窸窣田夫見我來壺漿慰饑渴大家喜
我來雪恥腸俱熱經營兩旬餘履端歲云吉奮臂偕士
民一呼志勇決雙峴還舊觀蛇豕失窟穴若肯大劊懲
么魔自消歇何意上官恩姑息容此物似嗔令不仁嚴
霜重以雪去惡弗務盡枝蔓將竊發攀髯淚未收脫巾
黨已結吠形與吠聲如蝟旋如沸殺掠及鷄豚烟火四
野徹城守職當然燎原漸撲滅屢捷露布傳秋風肅旌
節撫軍來視師登陴錄微烈衆志可成城令也允人傑
庶無速官謗朝論忽迥別南渡坐未溫奸宄亂密勿威
福隻手操魁颺清晝出寧顧黑白淆但快睚眦洩反謂

音耶風雅卷三十一
恢勦非誣以殺降律李僵先代桃亾猿火林樾網織日以密髓吸日以竭顛倒使人迷銜寃誰肯豁叱咤變風雲智僅同鼠黠倏聞東征師望風棄城闕萋菲竄草莽鄙賤釋膠葛禍始癸未冬息肩酉五月銷鑠三年間有骨豈金鍊戢影歸田廬餽粥猶可啜堦前草萊除膝下兒孫刈漸喜風鶴寧數載平陂闕君子當固窮老至倍愛日吾生有定分行使止或尼巧拙人事殊循環天道一旅室占清閒春光晴可悅我有三溪夢按拍歌一闕醉之酒盈杯今昔休再說

三溪夢是樗道人自壽詞

過惟式上人房納涼

秋熱勝三伏蒸鑠非一端繞室但狂交搖箠腕欲酸循

徑叩寂寞式公坐蒲團几席何晏如牖戶曲愈寬快風西南來北窓涼氣攢方竹倚簷隙一一青琅玕藤蘿施古墻多年虬龍蟠瓦鐙煮梅水水聲若驚湍點取徑山茗色香俱可餐煩襟斯以滌五體漸平安詎謂一院內乃自岐暑寒茶罷展楸枰丁丁碁子彈
尋五雲洞歸飲山家梅花下
羣往興亦勇失道問田父逶迤四五里遊烟網林莽披榛得石磴行行忘辛苦洞口水清深石色含太古陟顛望村蔚梅花已半吐白雲數十堆高下自爲伍夕陽下山來攜尊就閒圃花似爲人開香光徧環堵秉燭醉忘歸花前頻起舞

客中懷方夢名

一別一載餘寒暑互授受行居弗相謀邈矣素心友黃
卷戀白髮韋編常在手逍遙山之阿廉靜應無咎客歲
乏秋歛妻孥長飽否豪懷少壯時貧當荒亂後愧無西
江汲可分升與斗曩昔同學日猶如耕者耦意氣訂千
秋筆墨兼詩酒霜雪不貫人在苒成皓首鄙性拙謀食
罄罄嗟衆口乃以桑榆年東西事奔走雖復黽勉求何
亾亦何有簞食與疋布餘生憑高厚同病憐故交棲息
在南畝情親忽入夢爲道別離久隨緣付笠瓢往事等
蒼狗歡然握晤間妙語真善誘覺來思如何落葉及窻牖

頌嘉山興二首

足不踐此山茫茫二十載自笑牛馬勞兼值滄桑改痛
定憶艱虞靜裏遡尤悔客秋策杖來水石如相待披榛
搆茅茨薙草尋香蒞兀然斗室中今日知我在及茲事
幽探春山多芳靄叩枝與松醪用以襄不逮
窮老憚經營鄙尚隨所寄卽茲數椽茅已減饗殮費敢
曰後園林聊以寧興寐山色媚幽深鳥聲當鼓吹鶴鶴
得枝棲自喻爲適志卽景朝復夕栽植從簡易種竹不
須長種樹不須芳但願發新條青青映短墻辟如果虛
腹寧俟厭膏粱

龍井石上小飲因懷方坦菴
積草錮石徑杖撥乃幽尋新綠影斜陽據石聽瀑音幾

蚤喧入耳洗耳兼洗心游情競初酌山趣陶再斟昔我
髯史居畫橋跨清溪瀟水搖輕舫選石對碧岑髯今在
長安別之若商參春朝迨秋夕牧唱與樵吟人世嗟海
田山川自古今因風懷我髯得便好抽簪

夏興四首

溫風應小暑樹樹送濤來涼氣滿軒牖瀟灑絕煩埃塔
焉忘心形隱几夢初回他處自生雨此山空聞雷開窓
睇前巘曦輪已半墮新竹翠如染清陰聚小槐羣雀依
茅茨飛止無嫌猜
白雲通雨意黃綠冒青嶂飄飄復淅淅作止互為狀纔
注草池邊已濕苔砌上濯羽雙鳧喜滌煩孤懷曠少焉

檐雷停林木拜清貺耨者趨新涼緣疇發村唱

夙尚寄林泉學仕空顛倒頽齡倦知還藏身以為寶叢
薄雉不驚潛麟欣在藻則知山中人蓬華怡襟抱北窓
小眠餘初出邯鄲道茶烹澗汲新風為人閒好竹連雲
作陰堦倩鵝耘草或吟陶與謝或讀莊與老此外何所
營三杯圖軟飽

四嶺渾是雲朱曦歛不見飛雨何處來交馳挾雷電密
灑破紙窓霏微旋撲面山溜併一溝噴薄任飄濺行潦
沛若河小塘白已徧竹洗得新青風吹有餘善運際金
伏時俄頃涼燠禪即景蠲煩囂冥心悟常變邈然獨對
中爐熏香一片

登臺玩雪兼呈方二化

巖風吹乾雨六出疊瑤片寧比蜉蝣衣詎擬齊紈扇衝
寒躡崇臺襟眼開四面遠林盡韜碧高峰若垂練漫汗
萬瓦連珪璧隨物撰壓竹枝相亞綴柳花驚先盈尺兆
豐年合懽酒繾眷入夜氣愈清帶月光初眩堦堦一炬
行踏雪忽隱見尊中入碎花方干吟未倦

露坐酌月

明明在中堦高興我自發弗憚寒偏宵杯盤供倉卒凍
輪挂虛空淨色透毫髮願坐影裏蟾朝昏同出沒庾亮
樓可登劉琨嘯未歇古今無限情裴回依素月翫翫坐
能深青尊有微伐

溪漲

檐雷喧不絕陰雲冒四宇晨起聞驚濤又知昨夜雨踏
淖立前阜聲勢搖聽覩長河激浪花層層白雪吐流迴
觸石壁噴薄亦何怒觀其奔瀉時餘勇猶可賈晴好澗
有文水漲川能武對之相盪滌胷中無塵土連風送霧
來復見商羊舞

得大兒家信

楚山入望遙楚雲空灑霽何幸西南風高天雁羽隊解
繫得家書字字如面對快我數月思釋我中心癆勿晒
分俸薄足申遊子愛易錢十五千支排小稱貸持此無
久逋再可贖鮭菜餘付酒家胡酤取典不廢秉醉便狂

音耳 風牙卷三十一
歌且以澆磊塊

新霽不可知喜與朝曦遇譬如坐幽深光明忽闢戶令
節改新火少長及良晤未理登山策共曳踏青屨沙暖
鳧睡閒流淺橋平渡烟霏漠漠林蔬盈青青圃齋魚響
茅菴花竹影回互瓦爐沸泉聲茗果粗能具選地刈尊
罍一帶疎篁護北嶺遙入望疊翠相應付微酣杯中情
更適山邊步紙鳶騰風高喧笑走童孺遊人采芳菲翩
翩咏歸路舉頭僚晴空圓魄已升兔

雲夕

夏雲能爲奇俄頃多變易或爲人與物或爲山與石奔

騰類波濤片片相絡繹落日奏明霞乘雲互注射熠爚
復氤氳深青蒙大赤仰視目欲迷忽焉如絮擘渺渺竟
何歸長空一色碧起滅固有相來去仍無迹卽景會清
虛我心與之適高樹送晚涼寧須澄水帛

喜七孫歸自楚雄得大郎家信

不意汝卽歸汝歸吾色喜龍眠去滇南千山復萬水少
年富精力馬首惟所指忽忽春冬間往來萬餘里跪拜
道勝常手捧書一紙讀罷意悠然因孫以詢子乃知爲
政優黃堂堪卧理歌頌徧黎毗廉能稱任使分俸寄酒
錢弗欲忘甘旨便覺天涯人笑語如在邇解錢付小奚
經營尊與簋馬金囊味甘鷄蠟油澤齒爆竹響喧堦梅

音耶風牙卷三十一
花香盈几偕汝共爲懽老年興如是

送齊仲符東遊

琴囊詩卷有行色知君忽作東遊客東遊意氣夫如何
齊魯山川饒勝蹟古調應爲知己彈新詩擲地成金石
行者如君若登仙居者如予思杳然商風颼颼殘暑避
月影花香偏多致此時秋色正佳哉呼酒平章花月事
忽聞驪唱何草草愁如落葉難頻掃試作短歌當送行
欲作不作可勝情薄田種秫酒初熟瓷尊滿貯色將綠
待君歸坐西山頭一咏一觴琴一曲

都門過水關共憩環碧亭方肅之沽酒小酌

馬頭十尺飛塵上天爲幽尋灑微雨入望灌木幾千章

間泄炊烟縈數縷意中辭喧釋重負同儕緩步遵水滸
蒹葭搖風水面來似與南人相賓主禾長疎塍青尚柔
蘚沿老岸綠成古耳目若置城西隅朝昏繪出林水譜
一枝帘挂曲陽邊解錢買醉亭陰午

晚過獻花巖登拱北峰

樹影移午遊情壯烟蘿杖屨兩相向石磴危曲引人行
古綠層層松竹釀尋崑但覺雲氣深更陟高峯寄遙况
一幅橫披牛首山林巒塔閣無遁相老僧指點愈分明
雙闕入懷如揖讓據石高談暮寒生落照寫山千萬狀

戲爲黃雪歌東張偉讓先生索酒

市酒如錫味甚惡百錢沽來雙眉顰青州從事在何處

無分于人竹葉春一觴纔舉手便停夜漏丁丁洗耳聽
若使飲酒盡如此何必三閭大夫能獨醒射陽湖畔隱
君子鶴髮兒齒丹顏美相逢正值仲冬天家釀酌予爲
色喜雪酒香甘快飲醇臍黃清苦味復旨前身應是東
坡仙賦得濁醪有妙理持觴調酒能中節七分黃者三
分雪一杯一杯復一杯甘苦相和更清冽歸來寂寂坐
禪宇願乞一尊慰寒苦杓鷓鴣杯鸚鵡甘向醉鄉作附
庸須防甕頭卧吏部

飲酒

假寓山中瓶粟且罄有謂日來秫價稍平予搜
囊得數金悉以糴秫得十數斗經營釀事十餘

日而酒成余則欣然一醉而衆口嗷嗷室人曰
向固慮及此矣君惟圖軟飽不念衆饑耶予無
以應之遂成是詩

鄙性從不治生事入山漫說居山易數椽寄跡何蕭條
未能謀食先謀醉傾囊糴秫纔數斗如逢麴車涎流口
草率釀具取新篘好醉秋光一杯酒衆口嗷嗷腹枵然
探向囊中無一錢我今獨醉衆皆饑謀生若此是耶非
持杯無語空自嗤五柳先生是我師彭澤公田雖種秫
在官祗有八十日一聲長歌歸去來秫田獲事何曾卒
饑來乞食主人門觴至賦詩忻笑言乃知虛腸不求飽
但求一醉忘朝昏

歲暮舟吟

朔風剪雲天愈高日烘嚴霜濕凍蒿堤畔居人急歲事
魚米薪蔬紛向肆久客却忘歲將除檣櫓往來意何如
空舟坐愁憐隻影寸心鑄愁紛幻境褐囊挂壁貯塵多
布衾覆夢飽霜冷思家千里望鱗羽移瞬兩丸逐烏兔
自笑懶雲山中閒底事風吹出世間秋帆一片搖江月
冬旅鎖鎖寄邗關汝能菽布堪卒歲妻孥無謫心無繫
請雲乘風歸山中自卷自舒遙天際斂手而對曰不能
一瓢一笠藉友朋自是懶雲懶不得漫漫東西與南北
且問酒杯澆寒色

贈胡君籲

作客華陽何寂寥六月行李冰雪似小年如日樹影長
蕭然弗問戶外履與君相對俱閒身楸枰丁丁頻落子
坡仙妙語我知之勝固欣然敗亦喜奕罷拂几調素琴
七絃泠泠清如水古音那許世人聽不在琴心在琴理
繞徑竹色未斷青臨池薇花將綻紫斂局囊琴日落時
亭畔嘯歌浮綠螳

題孫大宣年兄想園圖

萬丈峰崑千頃波豎劃寸管墨橫咫尺雲光杳忽疊銜山
樹影參差遙帶水茅屋數椽謝囂塵觴斯咏斯書盈几
有舟可泛車可乘有田可耕亭可倚園所應有無不有
一任流行與坎止牖戶綢繆人不勞風月平章天相委

放乎六合卷而懷弗常其處可以徙許多土木費拮据
競巧誇多且闢靡方池曲徑碧樹周修棟畫椽層樓起
亦有流峙依自然亦有結構備衆美風吹山平波爲石
辟疆金谷今已矣披對便是魯靈光孰者堪悲孰者喜
神鬼尻輿誰轡輪沐日浴月無終始以想成園園成圖
應會感神斯得理天上原自有非非人間世亦當然爾
風
九十春光只數晨餘寒猶爾侵衣被風聲入耳聽欲倦
朝朝暮暮無停吹歛如急雨挾霆來又如秋濤駕海至
大王意氣胡顛狂少女枝頭久勞瘁老樹何辜叫弗休
飛鳥高迅弱復墜頰紅掃白辭園林花信寧止二十四
窻櫺紙破響嗚嗚燭燄不長生光細試覓一尊近睡鄉
調刁底事驚人寐

山雪吟

同雲四布噫氣吼無數花飄碎瓊玖大如粉蝶逐風飛
密如織珠筐內剖俄看閒砌失青苔旋驚羣山成皓首
樵蘓迹斷鳥影藏乾坤一片白相守茫茫漠漠無涯際
乍疎忽急還如綴帳裏羊羔何太濃閉戶高卧形爲蛻
開窻獨對寄冰心曠觀非復人間世前年雪阻皖江濱
短褐濁醪過浹辰去年瑣旅廬陽雪古廟寒簷身影子
可惜清景多虛度山情雪意誰應付今茲所得豈尋常
掃盡塵土與雲霧一聲爆竹響遙空幾朵瑤華墜高樹

堅孫送酒

雨聲耐煩兼晨昏簷樹相嗣惟浙瀝河伯灌水限往來
奴子視瓶少涓滴雖有青蚨乏青帘擬剔孤燈對孤壁
赤脚亂流彼何人白衣送酒今再覲纔將渴吻厭垂涎
便被愁城無勁敵秋山雨過羣籟空煖取一壺遣岑寂
此中自有妙理存獨謠十酌神愈逸華胥相去路匪遙
嘉爾深情紀爾績

小桃源瀑布

草際喧喧導泉鳴攜策泝流渾忘倦呼童誅茅躡徑危
噴沫乘風已迎面曲澗碎吐數斛珠峭壁高懸一幅練
莽壅決盡水氣懽多歲沉淪今始見據石寂聽聲益喧

碾玉披雪莫之先塵俗能得幾漁郎未許春流送花片

五兒烹鱠午酌因過四兒亦園

急足江頭市鮮歸盤盤嘗新酒初熟爰知食指動有徵
懽然午酌充虛腹爲憶西郭舊閒園步延野色開心目
遙聽遊人鼓且歌或坐林端或山麓維時清和雨新霽
殘花紅表枝間綠方塘漾水荷依依樹下披襟風謾謾
挺爾琅玕數十箇墻邊笋透隣家竹此君漸漸得相親
朝昏便可食無肉不妨睥睨在山隅坐來宛入幽人谷
回首當時揀度勞三十年前予卜築爾今種植復堪觀
卽事爲功無欲速先構亭子好看花次第編茅數椽屋

過亦園看木香薔薇

音賦風雅卷三十一
微雨作止晴猶乍午餘暫給春遊假西郊千葉綠正新
况復芳菲枝相亞薔薇參差錦繡文纍纍木香雪盈架
身坐花中與花忘四面看花目不暇黃蜂粉蝶弗畏人
穿林上上還下下掠取羣香歸瓷碗翠濤頻向花前瀉
小園閒賞曾幾回珍重韶光信無價花情人意兩流連
今日是春明日夏

鎮江舟曉

夢覺鷄初唱籊籊江上身柝聲猶帶夜帆影已侵晨霧
重秋光斂潮生寒氣新微風送清響北固曉鐘頻

徐三我招飲芸輝齋

一室殊幽勝方丈試舉觴樹疎能綴月枝冷恰承霜雁

語留秋韻爐烟逼酒香觥籌倩誰唱應共漏聲長

張侶仲先生惠酒榼却謝

飫此壺殮味分從首宿盤杯光纔向滿夜色已辭寒官
冷腸偏熱顏醅旅亦懽坐深承酒力忽忽寺鐘殘

過常山縣

雨過晨光濕頰簷溜尚新地荒山作郭縣小吏驕人草
樹迷行望郵亭絕比隣孤懷當此際慚愧逐車塵

寓天寧寺聞鐘

梵鐘初報夜喧寂總成非韵徹林岡振塔空響易歸聽
將諸累減心共一燈微深省能無愧浮生暫息機

宿州道中途吳湯日南歸

音耶風雅卷三十一
停車相向揖南北往來身不盡經年別難從一語申憐
予方作客羨爾漸歸人慎勿嗟岑寂還家慰老親

午日偕內山行看瀑布上小飲
不憚山谿交攜筇先後行水深添石過壁峭仗蘿迎遠
白層湖見微紅晚日明蒲觴猶可泛沿澗擷新英

署中午日和女鳳儀喜雨韻
沛然何處雨密灑到簷前帝息憒焚勢人平糶糴錢榴
花紅際濕蓮葉望中鮮蒲酒公餘醉寧須競渡船

山行

千林同一霧入望總茫然山路無情雨行人有憾天橋
歌偏觸溜驢弱不勝鞭寒色空濛裏春陽何處邊

廣陵正月十六夜注紀常招飲

寂坐安貧旅招攜杖屨輕雲將微月送燈續昨宵明尊
酒酣中夕笙歌夾兩城桃花千尺水如此故人情

重過朱子葵太守鶴洲草堂看桂

為踐前期至秋晴發桂花再來知曲徑深坐苑山家水
石閒相抱碁尊意正賒幽香何處送密樹導風斜

寄家信自嘲

歷歷平安字飄飄孟浪身四時周冷暖百念替風塵落
筆休言旅臨函只寄貧遠慚梁孺子然竈不因人

方坦菴見示新詩旋承招飲

索句消羈况如虫候至鳴苦吟憐不肖大雅奉吾兄貧

音耶風雅卷三十一
亦供詩趣老能出世情過從欣慰尺杖屨自然輕

月步

月意人如戀空堦脉脉行旅中何淡莫天上亦孤清照
影寒相惜流光鵲乍驚幾枝霜後柳疎映不勝情

雪中方坦菴送酒肴

饋亦尋常事多君念敝裘隣因羈旅洽酒爲性情謀果
腹貧厨喜深杯百慮休行吟如有助耐看六花稠

亡室倪孺人百日

雨意知人苦朝昏滴素裳生歡歸往事冥福仗空王百
日忽彈指千秋祇斷腸幾回拈數字替亂不成章
暮靄宿簷樹熒熒對一燈在家如逆旅垂老失良朋愁

極語誰向酸深哭不能欲隨鐘磬意方外學閒僧

草堂雜咏六首

老拚人共棄山與靜相宜曝背茅簷暖貪眠午飯遲雖
荒田數畝不廢酒盈卮纂纂歌能好天慵亦我私

亦有山中課微劬我自怡平安問花信灌溉補天時雍
草因尋石牽藤且綴籬西隅樹影薄指點過溪移

預擬開三徑經營版築先亦知生計薄其奈勝情偏種
竹須當牖移梅喜及肩自嘲還自解省得買山錢

山空來素友酒熟載諸孫添石通谿步流觴遡水源葉
喧歸牧路鵲鬧夕陽邨薄醉攜筇返蒼蒼竹樹昏

空潭澄峭壁苔蘚老青青徑仄緣蘿上泉喧倚樹聽坐

沙呼石丈汲水攷茶經枕漱高人語于茲愜性靈
信步紆回路溪聲逐杖藜石將羣壑界松與兩峰齊捲
幔香浮坐留賓菜剪畦清閒山水致話到日移西

頌嘉春咏二首

肩扉吾自得屐踏蘚痕殘兩弟歌棠棣良朋念考槃共

傾獨夜酒預損詰朝餐倉卒無東道梅花且飽看

弟晉庸城 起過訪 新添幾箇竹又架數椽廊坐令西暉遠行看碧影長娟

娟經雨洗曲曲進風涼便是春山課無妨靜裏忙

瑞隱窩小集

勝地杯相引同人坐自歡嵐收山踴躍晴好竹平安新

栗披黃玉高談汎紫瀾魯戈如可假邀日駐西巒

送女鳳嘴歸江寧二首

憶昔于歸日臨岐已贈詩迢迢數百里荏苒便三朞自

是關親愛翻令有別離偕郎江上太眠食好支持

欲別難為別縈回在寸心老人猶制淚阿母已沾襟冬

暖風多便江晴霧未侵到時嘉慶畢望望寄旋音

元之四日雨集五郎書室

潤物初正雨庭柯滌更鮮春盤臺菜嫩古鼎水沉然良

日逢天赦遠心覺地偏青尊將皓髮溫故在新年

雨過下方渡

山雲濃釀雨特送渡河人一片聲如注中流點更頻漲

高沙路失舟溯浪花新搖曳吾何事生涯問水濱
雨中到齊雲崑宿攝真處

一日雨聲裏到來聽不同遙谿喧入夜懸瀑亂隨風影
靜羣鷺處心清萬籟中舉觴深向燭和雨嚼虛空

秋旅

旅食竟何事朝來罷應酬黃花供短詠白眼對高秋閒
似因貧得老纔知病由蕭然塵世外時向睡鄉游

夏廣生問疾

今朝纔學步扶策過軒南改火朱明至論心素友諳將
衰憐瘦骨小愈恹深談惟訊西山綠多應染一菴

同夏廣生張仲友及家弟聖林過三兒新卜山莊

用四兒韻

喜汝還初服於茲度夕陽謝將牛馬走共就鹿麋行一
笏安身易孤筇選勝忙平臺堪小憩指點任傳觴

五兒携具草堂

小徑行能曲新晴欲午天筍高抽綠直梅熟綴黃圓得
酒吟成癖看山坐是仙杖頭莫羞澀荷點一池錢

夜雨

半圃十
詠之四

浙瀝因風至中宵聽更清空階初滴響落葉似添聲砌
濕虫相弔燈孤夢未成遙知籬畔石緣引翠苔生

寒柝

似亦叶宮商隨風遞抑揚驚回中夜夢敲落五更霜埤

堦聲相送關山曲自長那堪莎砌下斷續應寒螿

摘橙

顆顆呈秋色佳名賦在襄移曾經細雨題必待清霜帶
葉猶分綠堆盤滿貯香黃金如可縷紫蟹正堪嘗

掃苔

澤葵沿徑長到處綠能稠滋蔓因承露蒼涼已及秋堦
防雙屐滑帶帶落花收莫惜頻頻掃錢多却買愁

戊戌除夕

共用寅字

爆竹傳聲鬧梅花汎酒新問年將送臘望斗漸趨寅天
轉初陽令杯迎向曉春椒盤延絳燭共慶太平人

集飲葭霞

暨孫治具

羣碧欲環天空堦合作便雨從他處落涼向此中偏酒
氣清如竹風聲細送泉飛飛禽集木恰待夕陽旋

喜雨

落在重陽後喧當初夜時爲霜先作汁灑菊自生姿葉
墜添聲重檐乾瀉溜遲山田承潤澤種麥正相宜

晚酌二首

尊有涓涓酒開窓醉綠陰借茲連日雨稱我住山心水
漚鳴溪壯烟迷入靄深歸飛林鳥語帶濕倍相尋
燈酌重蛾亂予心謂不然因思長夏飲當在晚風前近
樹鸚猶轉看山夕更妍忽疑雲過檻數縷是炊烟

立秋

音韻風雅卷三十一
便覺心相向迎秋酒一杯涼如因候至風亦爲人來燈
影浮檐樹垂聲出砌苔函詩吾可咏流火此宵纔

過武林將訪劉孔昭湖上不果兼懷潘二次魯

咫尺雲山阻晤期江干南北獨奔馳不逢湖畔論詩友
却負樓頭訪友詩風靜浪平帆落後沙明月白夜深時
懷人遠近頻搔首悵悵清尊懶自持

冬日訪夏廣生于會心園謝中隱山人留飲閱其

近作賦贈

竹色依依寒色盈遶林殘雪暢幽情爲探勝友衝寒至
恰好芳尊就竹傾歲暮益憐山徑寂家貧偏覺老身輕
案頭如許驚人句乘醉吟哦趣轉清

觀遊女鞦韆戲

遊女山頭春事佳鞦韆共戲蕩春懷籠繩纒露纖纖手
踏板高懸小小鞦來太凌空嬌膽怯迎推和采笑聲諧
柳邊舞罷偏多媚隔袖微扶欲墮釵

過石浪上人梅檀林

時石公自博山歸

行脚歸來便掩關錦峯深處一枝閒籬邊怪石堪留屐
窓外疎筠不蔽山澗水潺潺鐘韻合晴雲澹澹篆烟環
回看塵世千重迥願置身心几杖間

三林送虎子居函雲洞三首

得一先韵

意外行藏別有禪一枝何處不隨緣忽然居寂山爲主
從此能清骨是仙峰約斷雲衝怪石洞披老樹貯寒烟

音韻風雅卷三十一
花開花落尋常事飽爾朝昏幾覺眠
瘦瓢布衲杖堪肩肯受人間憎與憐
一肚皮藏不得意
三杯酒作有情緣時開半榻邀雲駐
貪把奇書帶月編
任却此身同草木笑他盤古錯分天

冷代冷水舖大風雨
風雨聲聲朝復昏春寒獨自滯孤村
臨窻無一書堪讀
入耳如羣馬共喧紅墜桃花辭樹色
白添湍勢沒沙痕
冷然客况應同水漫摘畦蔬佐酒尊

大司空劉心盤見贈瑞荷集并催梅詩各賦一章
片枝自足競芳鮮况復雙雙漾碧漣
君子風前簪欲盍
美人月下袂初聯俱飛蛺蝶爭香亂
並羽鴛鴦顧影憐

莫道傾城能獨立名花已擅兩嬋娟

並蒂蓮

不盡寒香隱躍中凝情猶似待東風
枝頭已飽珊瑚色
萼底微依翡翠叢使過江南春欲寄
參橫天曉夢休濃
持觴好向花神祝莫共天桃鬪小紅

催紅梅

江邨月步

步文然韵

落霞猶浸水痕鮮人影平沙得月先
遠浦潮生千頃映
高林葉盡半規懸舟孤憂懼欣投岸
市小沽醪倍索錢
步逐清光忘夜冷幾家燈火間疎烟

蘭谿郊行省重荒

出郭連朝露氣滋可憐呼籲盡瘡痍
惟艱天應憐民食
入告予今忝有司單騎自甘衝暑雨
居人猶說候旌旗

予卑騎走田間村
人猶問令何時至
裹糧急借郵炊熟莫誤農家午盃期

雨愁

晨起窺窓日出曾漫空
烟霧正飛騰花經雨作無情別
寒與春爲耐久朋展齒頻喧
眠莫穩爐香帶濕篆難升
愁中欲擬登高去竹杖
芒鞋病未能

乙酉初度雨飲

蒼蒼蘚色上柴扉
四月寒深欲授衣
烽火沿江傳信急
壺觴隨意遣愁歸
榴花厭雨舒紅小
燕子銜風帶濕飛
自笑生平無一是
先知伯玉兩年非

方奕于過訪

一肩行李帶斜陽
急啟柴扉共納涼
坐久看山思避暑

家貧煮豆卽呼觴
別來顏色驚梁月
詢罷寒暄見鬢霜
多難餘生形畏影
對君纔敢話滄桑

百福寺重九前一日唐薇垣招飲

蕭然禪室共徘徊
簷溜涓涓澗碧苔
聽雨先爲重九惜
傳觴不待再三催
爐承濕氣生烟小
風送寒聲到樹纔
剪燭相看朋坐好
瓷餅香動桂花開

醉中吟二首

亭畔梅花寂寂春
暫將香韻慰羈人
半年涼燠成孤夢
百口饔飧望此身
霜到鬢髯寧諱老
天除冠服許爲民
餘生更覺無拘礙
是處烟蓑與雪綸

頻朝權聚起春陽
且脫愁鄉問醉鄉
總爲滄桑逢世變

故將鷄黍話家常貧羈共笑生涯拙美睡先謀酒力强
茗芋歸途新月上自慚孤影逐清光

過心逸上人觀化樓看牡丹

同王肇元及家弟元溪

匹輟不及俟晴霞結伴尋山踏淺沙石路高低林畔轉
谿泉吞吐雨餘譁塵心暫息清凉境冷眼驚看富貴花
猶許攢眉陶處士堦前呼酒代烹茶

寓中得文然都門書

炎兒舊秋補庶常今春授禮垣

南北懸懸夕復晨迢迢忽爾獲雙鱗經年官秩三年望
兩字平安一字貧浪跡江干空作客關心燕市未歸人
倚閭較我情尤迫再爲封題寄汝親

賦得天寒有鶴守梅花

亭亭獨立對花叢耐冷綢繆顧盼中衣縞欲分枝上月
頂珠先占萼頭紅未容翠羽通香夢寧許封姨鬧曉風
好向孤山稱眷屬幽心瘦骨兩相同

挽潘次魯二首

幾載流離逐海波纔從白下問烟蘿身經百折猶軒舉
家任長貧只嘯歌厭世尚餘諸累在彌天其奈一棺何
登床不禁人琴痛暮雨西風颯颯過
旅食蕭然笑此身灸鷄絮酒未能陳死生雖判交猶合
神理常留夢可親吾黨吁嗟亡至友蒼天閱惜是高人
花臺桃渡經過處無數芳菲空自春

過龍井懷方坦菴

尋山步步寄閒神
水曲峰回自在春
過雨瀑高如曳練
迷堦草綠久成茵
偶探玉蝶梅邊石
却憶金臺馬上人
南北迢迢瞻莫及
徘徊日暮畫溪濱
畫溪坦菴所居
黃穿堤柳一鶯翻
驅犁稼事初知霽
近午鷄聲暗識村
遙想山中春夏際
晚花新笋稱柴門

漫興

一縷香浮累自輕
當窻得月寫空明
老難影對全憑酒
夜值寒初幸有晴
漫以林泉供晚晚
肯將鞵杖負平生
山頭紅葉溪邊路
從此探幽處處行

月下同麗木飲散步西山

開尊露坐自從容
乘興行吟醉未濃
千樹隙中分見月
亂虫聲裏忽聞鐘
夜含清氣消殘暑
人帶孤情望遠峯
踏偏山頭復山麓
邛枝到處破苔封

儂居四首

先世農家只數椽
儂居今日亦依然
茅簷不剪瓜藤覆
竹迳初通草色連
為蓄鷄豚編小柵
擬栽豆菜賃閒田
盛衰變化無嘗主
辛苦青門仰昔賢
晚來山氣共烟籠
入望湖光隱躍中
峯石籠從遲見月
竹杉交互易為風
卽今食藿無長策
便欲誅茅鮮近功
不設籬垣聊偃息
何須避世在墻東

音賦風牙卷三十一
姓氏應同牧與樵圖書數卷任蕭條家貧始覺餐蔬美
婦病偏嗟取藥遙剩有苦吟抒夙憤難將清夢戀中宵
調刁風起松濤壯似送秋聲伴寂寥
風塵回首竟何成草草安能問泌衡自卜池山漸季緒
纔通烟火憶淵明柴門漸長蒼苔色瓜架時喧促織聲
屬耳忽聽南向鴈江干一羽尚飛鳴
未二句懷
四兄也
皖友招飲看雨中杏花

積晦橫窓午夢頻欣逢折簡在比隣
墻頭紅綻盈盈濕
瓶裏香浮片片新
潦倒羈懷淹暮雨留連家釀醉寒春
却思往日龍山曲是處花開酒一巡

留別維式上人

聽來鐘磬日悠然應與嚴公宿締緣
醉裏敲棋頻剔燭
花間煮茗自添泉可知一鉢無餘事
便是三杯別有禪
屈指重遊常不遠南湖畫舫正秋天

初五日迎春

爲有舟車織路頻從來行止不由人
自嘲到處經年客
又看常州五日春座上杯盤陳柏酒
街頭鼓吹鬧
叵神晴光淑氣微微動已識星杓欲指寅

遣夕

盆中虞美人初開

迷離樹色送頽陽小雀循簷漸漸藏
瘦向燈前慙舊影
嬾從病裏得真方十杯薄酒持如律
半枕安眠託此鄉
莫道芳菲時已過盆花新試美人妝

和張仲友見贈山居之韻

半月眠餐博得閒
軟莎晴靄護荆關
疎梅傍牖堪晨夕
短策沿溪任往還
無計支排唯白髮
不嫌慵老有青山
攜鋤籬外開餘地
再擬誅茅一兩間

微醉

暮色迷荒罩近邨
樵蘇跡斷鳥無喧
前峯霧送黃昏雨
斗室燈開白墮尊
葉謝秋聲依檻落
爐知寒氣倩香溫
周旋一覺須微醉
明日陰晴且莫論

竹笑軒納涼

徑曲生涼氣自通
一軒恰坐衆陰中
苔錢依石疊新翠
蛛網惜花留落紅
棋局敲殘窗外月
茶鑪移就竹邊風

試開月席觴無筭乘興登臺眺遠空

雨中陳二如招飲

雷聲不斷和鑄聲
卜晝盤娛燭繼明
時事如斯閒裏好
春光何處話中生
家貧款客肴偏富
夜雨留人意勝晴
聞說琴書將遠適
轄投何惜再飛觥

時二如將有
濡須之行

七夕

輕陰細雨作涼秋
但得涼時醉便休
腹久無書何必曬
老安能巧不須求
那堪耳畔傳風鶴
未暇天邊問女牛
移就數枝香茉莉
將花照酒兩綢繆

四兒載酒披雪洞

枯藤曲磴恣相羊
選石開尊不記行
樹裏看流千點白

音地風雅卷三十一
風前舞葉半空黃禽飛似帶聲聲瀑洞裏斜傾淡淡陽
好事小奚趨絕頂壅泉一決噴波長

讀方坦菴寧古塔雜詩悵然有懷

不是尋常嘆各天起居猶幸見長牋多時夢境非吾土
垂老詩情在極邊萸稗炊遲甘一飽茅茨日暖恣三眠
閒來曳杖簷前望草白烟黃總渺然

方使至自寧古塔詢坦菴近况

使者因聲及遠天細詢起處更依然鬚猶如戟惟添雪
詩可忘愁似涌泉漸有江濤傳鴨綠幾曾山色類龍眠
由來名士多荒譴見說潮陽路八千

移舟入湖止宿岍上

舟輕一葉盪斜暉入望青青山四圍耳目寄來無不可
水雲起處自相依湖光似鏡兼天淨鳧陣如烟背網飛
止宿懽然窰火暖恰逢酒熟與鷄肥

孫魯山貽山園新茶

俱理山中薜荔裳多君勝事在茶筐紫茸手焙調生熟
白絹函題寄色香活火煮泉魚眼沸小瓷注液乳花嘗
醒餘午後神都爽蝴蝶休教繞竹床

送十九姪望侯會試

翩翩裘馬正鮮新不唱陽關逐路塵弓冶好承先世澤
文章偏發少年人家園老我惟傾耳帝里逢時可致身
鴈塔題名雙鴈字又當六十看花辰

先中議公叔給
諫公俱辛丑榜

夕坐城起弟亭子

疎柳平堤欲夕天下車試憩小亭前
殘霞浸水搖山翠
遠樹籠雲帶市烟
鴈字數行飛向月
樵歌一道緩歸田
坐來便覺心無事
寄在清池落葉邊

西山小飲夏象九繼至飲罷過慈雲

此日西山地更偏
相尋高處展青氈
滿城烟動炊年飯
遠樹風開露雪田
中飲喜添佳士坐
閒情欲傍老僧禪
兒童也識登攀勝
爆竹聲聲鬧晚天

山居卽景二首

滴瀝頻喧噫氣豪
秋林漠漠壓林臯
雲知雨意濃生墨
樹得風聲激作濤
石咽漸聞添澗響
山暝似不識天高

紙窓拋卷渾無事
試爲吹燈覓濁醪

役役何如落落身
不將華髮憶青春
一丘蹇劣貧隨我
竟日高閒老勝人
種樹滿來嫌地窄
吟詩狂處任天真
蜀筇蠻榼相從慣
只待秋山絳葉新

偶同夏仲寬及兒文勳閒行便過郭超宗家小飲
形影空相惜
追陪杖履輕
胷纔開大地望
已極層城新
柳綠含意小
禽繁有聲
春光偏在野
遊事恰逢晴
圃澗看蔬長
橋低過水平
幽居驚剝啄
好友快將迎
芹采堪供筯
梅香欲滿罌
深愁憑酒豁
閒步覺心清
古寺斜陽護高峯
遠樹并徜徉
能竟日慰藉此平生

田孫若年兄招予湖上遊兼寄踏莎行一詞酬之

憶君棲息處朝夕足清娛銷夏惟碁局開門儼畫圖螺
青浮遠嘯練白曳長湖近水烹鮮易臨池染翰殊留姬
歌宛轉懷友意踟躕黃絹詞堪比滄洲興不孤榴花猶
有色竹葉可頻沽待我歸帆便堤邊醉一壺

同李梅公少司馬趙洞門大中丞李腹公太史李
大生太僕李小有明府王于一程穆倩李玉潤
吳園次集高季鮑菽園

避暑方無地開林氣若空環青延薜荔高綠覆梧桐編
竹牽花長依臺壘石崇徑因多樹曲家可小舟通築架
雖伊始經營便不同名園當暇日樂事集羣公素茗堪
銷夏玄談足發蒙居然超世外忘却在城東香熟爐生
篆風涼夕奏功歌聲蟬噪並燭影水光中清切虫吟砌
霏微露滴叢衣冠俱灑灑酬酢未忽忽禮恕嵇康懶杯
澆阮籍窮仰看銀漢轉揮竿興猶雄

出山赴吳湯日之招同方夢名江向若夏廣生戴
孟菴賦

敢曰烟霞癖迷喧且逗留晚花初筍好曲徑小池幽柳
色浮簷畔溪聲到枕頭款扉勞遠訊躡屐就新筍坐集
香山老談傾稷下儔佳詩珠在篋藏茗碧盈甌閒甃延
蒼蘚隣墻出絳榴月升將挂鏡雲淡不成樓移席高然
炬深杯確點籌問年驚蟋蟀聞世等蜉蝣名理鎔三教
卮言獵九丘得觴何弗舉有轄豈須投洵可稱良暇于

音耶風雅卷三十一
焉叶應求行吟猶未已天漢共悠悠

懷方坦菴十六韻

百篇新句好知子意孤騫一致齊生死千端冥寂喧蓋
頭堪處處適意自言言書遠頻瞻鴈心閒不聽猿誦經
披布衲曳杖逐朝暎無字蠻童唱多情旅客尊甘貧諸
菽麥隨俗蓄鷄豚里樸忘人我居安恆夢魂樂饑如在
泌高卧可師袁閬靜機應息艱難道益尊糲蔬誇俊味
霜雪識天恩漸覺玄談勝偏依白醉溫老能寬覆載詩
欲當饗殮蕩滌寬諸累消搖若故園保茲忠敬質兼謝
應酬煩展矣行吾素投荒詎足論

偶作

七尺巍然孰頡頏那堪失路獨俛俛浮雲蔽日何由霽
巨浸稽天莫可枕鬼恃五窮貪跳踢疾耽二豎住膏肓
傳來市語同謔語久坐愁鄉逼睡鄉意等水鳧隨浪遠
跡如柳絮逐風颺時哉空羨禽斯舉命也休言李代僵
自古戎興垂口戒于今肱折笑醫良艱危心已甘荼葉
慷慨曾能起太行徂歲漫誇鳴鐵鎗當年總悔賦長楊
杜鵑多怨聲難聽萋楚無知樂未央入世紛華歸白眼
從前事業付黃梁網開羣喜邀寬政時有隅泣還思動大赦
滿堂急售枝棲空所託暫依村落亦云藏門稀屐齒獨
兒靜棟有巢泥燕子翔郊樹成林延暮色野花迎夏散
餘芳聚蛙田畔遙喧鼓新月窻間淡寫光近夜模糊三

盞醉終朝功課一爐香儀雖得辱舌猶在孟忽辭貧書
滿床適志寧分莊與蝶食魚豈必鯉兼魴俯憐寂寂行
吾素仰視悠悠問彼蒼懶對妻孥憂凍餒且將筆墨寄
清狂畦蔬咫尺供厨便烹取頻頻佐酒觴甲申冬東陽城上射紅袍
賊落馬

渡淮歌

來時水腹堅歸時水聲咽行李未知春依舊如冰雪

月夕口占

促織復促織空吟廢牆側客子久無衣機杼何須力

月閨四咏

哉生明

金鈎恰西挂正欲捲珠簾纖影借愁思從教夜夜添

弦

嫦娥舒半面流彩徹容髮可因上下絃一彈關山月

望

夜光懸正滿皓皓鑒羅幃所願人如月常憐三五時

食

似鏡羞相對如眉亦懶描方虧猶未吐抑鬱共寒宵一

道院二首

誰識兩無咎理難得一有心人况復鼓鼙盈耳何不丘
壑藏身

頗解幾分閒趣難禁一刻攢眉自是我無定力風吹花

上游絲

花

因風香泊何處及日艷滿疎籬願爲蜜蜂羽客飛來飛
去花枝

官橋鎮聞新蟬

夾道高槐生古陰茅村染綠晝沉沉新蟬鼓翼深依葉
猶怯長風作小吟

攝山病吟

石蹲危礧闔流泉雨歇聲猶疊疊傳倚杖橋邊聽未了
斜陽秋樹又鳴蟬

點珠美人

侵曉臨粧絮粉勻纖纖玉笋撚脂新若教度曲敲檀板
小令先歌點絳唇

橫釵美人

烏絲委地氣沉檀縮就香雲十八盤不遣春風輕掠鬢
一枝斜壓水晶寒

鏡中美人

菱花初展映秋江照拂新粧坐小意顧影憐形誰得似
嫦娥月下一雙雙

簾內美人

隱隱朧朧若可親畫圖髣髴有真真正正從望裏情緣熱
願逐輕風近玉人

粧罷
臉檀眉黛鬢堆鴉出衆風流色色嘉猶把青銅頻照拂
端詳雲髻好簪花

春圖

幽情巧寫白團紈袖向燈前示所歡多少爲情顛倒意
按圖彷彿又羞看

素襪

妍手窓前剪素羅鍼鍼縷縷送橫波恰籠雙瓣深紅小
芳草堤邊試一過

雙環

雙環約指兩情深可比同心利斷金爲爾珍藏羅袖裏

肯將春筍近秋砧

縫裳

一片殷勤念曉寒挑燈裁剪細心看郎衣長短何須尺
昔日伸量在指端

染翰

碧紗窓下淨無塵微嚙毫端染墨勻側理展來書欲徧
于今不數衛夫人

夢回

斗帳香融夜悄然檀郎故故惱嬌眠惺惚枕上喚回喜
小語雙聲喚北千

北千合爲乖字
見北夢瑣言

微醺

小飲花前敵晚寒持觴無力倚闌干斜頰粉靨生紅暈
淡淡霞烘白牡丹

踏青

笑携女伴踏郊原一帶芊綿襯履痕忽漫情癡嗔鬪草
萋萋底事誤王孫

拈繡

花卉勻鋪界羽毛五絲雜組手中縲遙山遙水無窮影
只似文人運彩毫

圍棋

楸枰相向靜垂簾子落丁丁露指尖火暖博山需瑞腦
局中劫急不遑添

躑躅

纖弱雙紅絕可憐約縑收束似春妍臨風小立鞦韆板
軟玉輕鈎兩瓣蓮

門人盛念平雨中邀飲南湖二首

過橋緩緩暫停舟入望湖光雨際秋漁艇半依菱葉渚
人家多在豆花洲

便將酒氣叅雲氣更取砮聲雜水聲宛在中央閒眺望
秋光何必愛晴明

看梅

穿橋轉逕竹林通一室清幽水湛空酒核便從籬下過
暗香疎影落杯中

寓中偶然作

江湖襟帶中吳地
瓶笠飄搖久客居
笑我空彈馮子鋏
鱖魚上市又鱖魚

紅梅載雪

大白堆成樹有光
疎枝耐凍綴紅香
水晶合內珊瑚子
應在朱顏玉手傍

龍眠風雅卷三十二目錄

水厓潘 江蜀藻輯
采石陳醇儒蔚宗
同里孫中鳳嗜公 叅

王彭年 十五首

李在公 十七首

錢秉鐔 十三首

葉組 五首

戴震 二十六首

周夢復 三首

盛斯唐 三十三首

方叔邵 八首

王珩 一首

吳日景 七首

張畧 二首

周述謨 二首

孫光先 一首

范世忠 二首

吳用銘 一首

龍眠風雅卷三十二目錄
王彭年 一首
木厓潘 一首
江蜀藻輯 一首
...

龍眠風雅卷三十二

木厓潘 江蜀藻輯

王彭年

字幼公崇禎己卯舉人與同榜馬之瑛倩若吳道觀顯若方以智密之吳道凝子遠俱負一時文望少從其父埤鳴先生學博涉經史有兼人之慧年十二即補博士弟子生平敦崇藝紀好振人之急如赴焚溺罕以力不足為解所著詩古文有寓園稿大易制義舫草燕遊集回里集元配童孺人崇禎丁丑遭寇死節公有悼亡詩百首悲恹婁楚聞者泣下以播遷失其全稿可一慨也

咏史

鳳凰出丹穴厲志在青旻饑餐黃竹實渴飲滄海濱群鳥附其翼願可利通津但齊德輝飛安辨燕與鶉憶昔魯仲尼掩袂獲郊麋麋鹿徧中野謂世吾振振鴟鴞入我室謂鳳胡不仁駘驥同厥轡曠亂九方歎古有陳太

丘獨醒飲其醇

屯漕

白雲升在天山川何碣麗
二祖經中原普天廣植藝
塞上春風發饑餉比汗暎
秋風入汗邪黃雲被狼戾
榆柳樵爨深溝渠戎騎蹶
時平美意堙計臣階之厲
山後接居延沃壤塵沙蔽
一線仰萬里損益因元制
近聞地方枯東南苦無歲
鼓棹望天津况致遠恐泥

鹽

水花散金錢烹煮相輸灌
富國先富商東齊與西漢
士人筦刀錐劉晏紆宵旰
余行山陽道詢老知條貫
天時無古今地產無治亂
蒙叟去害馬治平茲得半

賦

東省數千里婦子刷草根
草盡鬪人骨腥臊爲饕餮
飛蝗復障天黃埃起北田
道上行人絕豪客惟鳥鳶
一旦桑梓空所見盡皆同
天子發明詔六事省厥躬
吏胥迫追呼追呼得當無
前日勞撫字廷議已伏誅

餉

陛下忍嗜欲土木與神仙
尚食省堂饌封椿無斂錢
齋房虔露宿請命於昊天
徒爲軍興空剗肉未敢憐
先皇戰遼瀋帑藏委逝川
前年寇躡入畿甸少人烟
賊騎中原馳中原戰伐連
下吏親民命制府行威令
百萬一時呼猛虎如苛政
陛下盼功成高第河山盟
用兵益

不息反裘毛欲生

寇

雒陽有琪樹地建天之中闢曹動地來馬奔琪樹藜琪
藥委地白琪花委地紅荆襄前日惡獻賊燔王宮 陛
下月骨親一旦剪桐風馬首挾鳴箏弓衣載寶珩桃李
雨中泣謀臣得賄生爲我謝謀臣去去報聖明生時共
華鄂死時繫長纓

兵

蒼黃渡江南日夕望江北江北居無人賊退畏兵逼大
帥擁前麾山岳令不移願言能剿賊鷄犬寧敢私唐宗
苦藩鎮天子賜璽問參賊自養威驕蹇兵不慎充國營

金城居重以馭輕安得清土著不復召外兵

爭

卿雲賡復旦鳴鳥叶笙簧嚶嚶和平中奏假感天皇天
皇錫甫申外攘而內匡西漢推仲舉唐代有奇章損益
非天命廣願在包荒古處崇懿德直諫臣所當

賄

河水濶無岸帝子隔秋陰古人慎李瓜包苴來德音文
帝教恥讓寵賂惟愧心夷齊飲貪水郎舍白遺金伯起
握籌夜平津猶布衾布衾卽云矯廉名何至今

寄呈黃石齋先生二首

人生無羽翼抗志在翱翔倏然遊八極飄爾凌大荒朝

齊若木飛暮逐桑榆光珍怪歷已徧關塞歷已長古有
王子晉白日騎鳳凰不願學仙人但願觀遐方
名不出閭巷慷慨懷讀書讀書不成名如菑弗及畚日
月倏云邁老至血氣虛退省益無營不如還讀書盛名
不可得盛名不可居

汪大年回自白下招飲

宋總戎
軍河上

山寨起峰烟雕弓布野田美人南國至寒夜錦堂前綺
語江楓落新愁渚雁遷驃姚河上立站站數飛鳶

和王碩慰雨中讀書韵

高枕呼山鬼文章詎薄酬固窮吾自命憎達爾何尤握
粟還愁卜拳蘭喜得儔江頭蘆葦發乞食幾時休

正入東省見摘叅邸報

村墟幾處起寒烟白骨餘生不敢憐祇念飢民成政拙
豈甘逋賦累公賢寂寥雞犬銷殘夢慘澹腥羶入舊年
清畝冷風人莫散壁間有 詔議蠲田

壽徐三我

野畦泥露蕙芳時看盡浮雲泛紫芝不託龍門投李御
自甘鳳隱學蘭萎草堂盡日藏私史荒徑高秋有雜詩
聖世可容垂釣客年年進酒傍東籬

李在公

字未盡號我知別號曼嶺山人少工古文詞
賦有聲費序間性慷慨好施與屢出人于厄

崇禎末荒亂城內外饑殍載道骸骨撐柱如丘公
捐貲瘞掩幾數萬史撫軍可法駢節桐邑賓禮遇
之所著寇紀及繩衡五要條陳時務甚悉撫軍張
公亮薦舉賢良以明經用晚遂心乘理獨處窮山

吟咏自如年七十五卒有我言
史言鎖言杞言鬢嶺山房詩集

卜居

喪亂無寧日相逢各鎖眉就人同畫策較我更游移豈
是謀偏拙祇緣數獨奇五湖皆劍戟何處泛鴟夷

雨夜留仲弟飲

一尊猶未罄冒雨欲何之山筍共如膾園蔬澹勝飴此
中清苦趣惟有弟兄知話盡兒時事相憐髮已絲

聞杜鵑

正憐春色好花裏一聲傳酒散雨餘樹夢回月落天江
南文字亂洛水羽音先翊運何人事相期各勉旃

初寒

嚴威何太烈客裏又添寒樹久經風瘦霜深作雪看呵
來氣已白老去頰猶丹爲愛三吳勝徘徊興未闌

投子山次元白禪師韻二首

山因水鏡稱投子近日猶將漢代看暮靄時翻金色相
蒼苔漸長碧琅玕興亾滿目千峰壯代謝無心一徑寒
自仗法雲凝蓋後瓣香常聽祝平安

山色迎人好共登當時梵刹此時墳雲封便覺東南合
路失誰將高下分草色先除尋古道碑陰同掃看遺文
夜深天半霞光徹法界依稀三昧焚

鬢嶺山居詩四首

幽心常與白雲期洞壑空靈到始知避世渾如隔世事

人山猶悔買山遲布袍每爲攀藤綻筇杖多因度嶺疲
近日隣翁皆識性相期尊酒水中坻

家住鷹峰鬢嶺邊千竿修竹一溪烟石堆高下天然几
徑遶參差卦畫田有客傳知乾雀喜無人贏得小奚眠
閒看日暮歸樵侶換取鮮魚挂杖旋

靜掩柴關百事休山翁寧抱杞人憂白雲出谷舒還卷
好友談心去復留婚嫁隨緣他日事烟霞有夢此時酬
朝來策杖巖頭坐直到松梢月一鉤

拄杖如篙撐上山喜無風浪碍躋攀溪翁不賦飄蓬性
巖壑何愁陟險艱足下雲生千萬叠眼前路轉兩三灣
行來絕頂憑空望荆棘銅駝直等閒

友人邀入城便往松山偶誦山谷詩有云明朝却

欲歸城市卽用作起語續成之

明朝却欲歸城市漫捲新詩挈舊瓢先囑園丁頻貯水
好將花圃及時澆山中久矣無巾櫛市上何人耐寂寥
惟有溪翁烟水性松山又去看春潮

秋望

秋淨一天空山山四望中嗟哦天柱出猶憶漢皇雄

中秋後一夜枕上續夢中句

慷慨平生性牢騷今夜情夢中中秋看又過殘月爲誰

明

山居

水濺石如語山高天若隣閒來無箇事溪上自垂綸

贈李德林

由來性僻祇耽詩生計蕭然總不知欲識清標何處是
梅花新放點霜時

虎丘二首

古木森森覆講臺生公何事不重回山巒欲語迎人意
知是當年聽法來

千人石畔小谿頭水月光含塔影浮山色不隨人事改
夜深冷落轉清幽

錢秉鐔

字幼安少與弟登齊名學宮滿歲臨貢值世變棄去憂愁賫志以歿

山中看桂喜友人見顧時舍弟滯嶺外

山中無故友叢桂足相知人老兵戈裡花殘杯酒時淮
南消息好嶺外雁鴻稀明月猶堪賞還期一叩扉

丁亥元日

門鵲喧天早山農揖歲華幾年雙屐廢萬里一書遐獨
酌杯中物遙憐嶺外花朝來風景好高宴在誰家

石屋

石屋高吟處違來十載多山青於亂後頭白奈秋何僧
已多年換人還帶雨過竹床清夢醒回首盡蹉跎

登高二首

垂老看秋色登臨興不慳黃花羞白髮紅樹點青山拄
杖行猶健呼童醉早還念茲風日好莫惜一身閒

癖性耽秋色尋芳愛晚籬菊花休負酒楓葉好題詩帆
自前江落人爲故國悲况逢多難日容易失佳期

壬辰七夕同幼光作

竟夕看涼月秋風憶昔年河明今夜裡星聚舊庭前不
定棲枝鵲時驚咽露蟬悄然候牛女開著北窓眠

夜坐叢桂園有感

憔悴南山桂樹叢多年老在此山中花貪夕照斜看好
詩到竒窮忽就工閉戶半生惟對月開秋一雁可憐風
江潭有夢人千里消息何因路豈通

族人有譏予年強不仕爲不孝者賦此謝之

行年四十已無成嗟我難辭不孝聲狗監亦能誇富貴
人情豈不重科名侍中死晉猶羞父諸葛匡吳亦負兄
若使當時名輩在忍將戎服抵簪纓

送別家兄舍弟之震澤

逢人何必問滄桑越國傷心越水長客路夢隨今夜月
官橋跡印向來霜老年兄弟真難別亂日詩文不易狂
早晚柴門人獨望迴思嶺外淚千行

酒熟與友人飲

今歲山田只半收床頭釀熟不知愁已曾勅婦開新醞
更得從君話舊遊酒態不因荒歲減才名敢向亂時求
太平想見先朝事種秫年年大有秋

辛卯臘月幼光歸喜賦

江村臘月草堂閒恰喜遊人逼歲還萬卷詩書烟瘴外
十年功業嘯歌間風塵未覺鬚眉改老病驚看步履艱
最喜嶺頭無一物携來春信滿青山

壬辰憂旱

久涸滄江一滴空旱天仍自起豐隆北垂日脚欣占雨
西起雲頭怕是風已厭蟬聲晴樹裏又驚月色夜窻中
老農卜祝纔虛望可信謀生計始窮

辛卯元旦夢切光歸

天南有客未歸來傳說梅花徧嶺開今夜分明君入夢
手中折得一枝回

葉

組字紫若號鏡湖明經實齋公之仲子也性警敏絕倫九歲能屬文筆如飛翰十六補弟子

員極爲從兄文莊公所激賞屢入鐵院不售既登奉家諱號毀骨立没于苦由時論以死季旌之所交皆一時名俊與方太史坦庵姚明經繩先輩有六駿之目先進風流至今猶可羨也

遊惠山寺

貪遊忘倦涉復此恣幽情谷邃雷留氣秋深樹有聲山
因泉得勝人藉酒謀生隨喜空堂久無僧一送迎

雨中登滕王閣

客路逢濠雨聊茲閣上遊雲迷山沒岍水漲樹低舟帝
子名誰識才人序獨留讀碑論往事興廢若關愁

遊靈谷寺

躡屩名山愜宿緣孝陵佳氣蔚蒼烟疎鐘風落傳松逕
空殿雲扃恍洞天雁塔常明三世火蜂臺昔引八功泉

寶公真法歸何處頂禮徒依古像前

卽事

霜濕鷄聲出翠微和烟雜吹打寒扉黃雲暗約梅苞綻
山鵲低隨雪片飛除却濁醪營底事好拚堅臥到斜暉
後談若遇玄真子莫道樵漁無是非

山居述懷

多累還山漸欲紆杜康隙末不須沾戒糧因放翻書鶴
破硯何煩錄事珠怪石森嚴堪作丈野花鮮脆可充蔬
誰爲懶性生憎者尚托長鏡藥餌扶

戴

震

字東鮮號孟菴萬曆中諸生爲人孝友淳重
以家督王家秉待諸弟友愛田產悉讓腴就
硯辭多取少迨生計稍拙資筆畀以分給之晚年
隱居龍眠時花種竹巖情谷趣盡寓聲歌工右軍

書法寫大士像鑿別古書畫器物有雅人深致尤
精醫理能拈草活人所著有四書五經解手自繕
寫三十五卷皆宣闡聖賢秘義導後學津梁者年
七十有五端坐誦經而逝無幾冠服如生徜徉于
響雪亭之顛尋得佳兆形如菡萏公
自題詩有蓮花鬚裏人家蓋預戲也

夏日紀異

氣至物小盈田家正刈麥夜來風雨聲震蕩幾失魄荷
篠走原上寒威壓南陌閭閻日無光白白霜彌夕木樹
多披枝禽鳥亦藏迹萬竅怒以號茅空秃梁春涼生涼
欲僵狼狽走旋辟道逢雲嶺叟相語隔溪石天道乖如
此愆乃人所積不見世途險炎涼情屢易冷地幸棲遲
熱裏常矍喑宇宙結重陰黍律亦奚益君子貴修和調
御思無斃

同孫晚生筮襄明訪山中道侶便過網修兄留飯

二首

行行小徑賒青嶂列人家移石牀堪坐誅茅屋可遮有
園皆種竹無地不栽茶况奉西來偈魚音轉法華
久慕桃源勝茲遊信不窮曲藏居士宅幽接梵王宮果
熟隨猿摘花香有蝶逢何緣來此地清嘯故人風

自述

片雲閒似我木石與同群禮佛方朝曙拈詩又夜分喜
談惟往事懶聽是新聞偶動臨池興聊書半幅裙

歲晏

歲事匆匆至含愁獨倚闌烟籠山翠薄雪映日光殘幾

樹衝寒放終朝作畫看消貧良法在對酒乞餘懽

喜霽

久雪思新霽今朝暖起人溪光清且駛竹色綠初勻踏
得芳塵路携來草屨春碧空遙騁望尚得幾時晴

雨中遲孫聲玉不至

野水田田滿秧分秀色齊幽懷欲有贈悵望不成題梅
落青苔路花殘燕子泥雨雲層疊起日斷數峰西

苦雨

茱甲沿畦吐陰條漸可攀流連十日雨蒼翠萬重山焚
木常防濕攤書不放閒空堦無遠步深坐若緘關

雨中扶虞美人花

芳名分綺閣秀色上雕闌正值新粧好何堪積雨殘喜
猶增冷艷懶不怯清寒展爲扶君折舍情應笑看

同諸子訪崖梅壁林雨上人茶話
遙擬層層雲上人飄然一笠此相迎因知徇俗都無識
微想安禪別有情祇樹密籠華藏隱牟尼光放衆山明
浮生亦作他生夢願托瞿曇隊裏行

憶弟

二十年前事已非蕭然歸采故山薇家几幾徒徒多累
田卽開荒不救饑兒女債催婚嫁逼親朋誼薄往來稀
白頭兄尚龍眠隱枕被同牀願豈違

偶成

剎那間去一春天淫雨經旬春可憐敲枕驚聞鳴澗水
開窓愁對隔林烟那知芳草歸何處但見蓬蒿長並肩
寂歷空山人跡少閒吟梁父漫成篇

雜感用杜起句

嘆息人間萬事非束修雖薄亦多違延來絳帳千秋業
不救青閨卒歲饑門掩空齋留鶴伴案封殘帙映螢輝
難將劉向傳經意更效馮驩彈鋏歸

誦經

念佛深深歲欲除人來山口卽聞魚閒栽小院梅堪供
新掃貧厨菜可茹老去禪心都學澹悟來生計總成虛
猶嫌此地非全僻悵望西風舊隱廬

春愁

欲遣春愁愁又來空階明月獨徘徊事于改歲猶全閣
花正逢時已半推坐擁百城徒自傲家餘四壁實堪哀
夢隨雲去青真裏可望西崦帶日回

答友

問予何事愛山居笑指蓬窓樂有餘寫到筆酣難任手
讀來燈燼始收書花間倚杖除閒草溪上垂竿釣小魚
更有不堪持贈處微醺一夢入華胥

春雪

冬晴早已卜春陰惟有今春雪較深幽谷風迴先失路
寒林夜暝不棲禽徒傳高士能堅臥也識詩人但苦吟

訪戴孰乘王子輿扁舟一向剡溪尋

夜遊

凍合泥塗屐可捐夜深繞徑聽鳴泉風清入竹成空籟
山古藏雲作伴眠鳥雀不驚喧笑語花汀且喜馨周旋
谷中滿翳晴雲色坐待明光散曉天

聽人歌

初日春林偶聽歌情深一往奈春何拋將滿架書生蠹
懶把鵝池字換鵝我出我歸青壁路花開花落白雲阿
相須可許輕相悞秉燭猶疑夢裡過

偶病

小立堦前偶受寒就爐煨火覺纔安本來體弱何堪病

大抵年衰亦少懽四五篇書讀易倦兩三行字寫難完
幾時覓得長生訣歲歲行歌樂考樂

病起

蕭蕭班馬戒晨征亦有遲回緩問津半載病其長往客
百方醫得暫留人忘情甲子窮還紀不守庚申夢復親
悵望殘花容易盡銜杯從此傲青春

客館授經秋思卽事四首

秋到林間萬木殘霜楓零亂點高寒祇因吹墮征人淚
故染西山樹樹丹

楓葉

誰來問字苦紛拏閒放兒童數落花最是夢魂辛苦極
迢迢每夜必還家

秋夜

憎殺青青柳色垂怪來不作雪風吹一聲新雁霜天警
驚喜還家漸有期

聞雁

天涯目斷倚樓人夢裏驚看白髮新自是離愁容易老
畫眉應點雪山春

感夢

夕亭

慘淡經營日已斜低低亭子映殘霞夜來雨壯天河落
我欲乘之泛斗槎

周夢復

字若虛所著有翠屏山房遺稿

送靜海仰上人顧募

乞鉢原平等慈航覓舊歡水雲行脚遠霜月杖頭寒樓
起華嚴藏幢懸寶綠觀喜捐能不吝實媿給孤檀

讀書白雲

時重樓未燬古羅漢像儼生

千尋雲洞結樓重樓下雲深積翠封樹暗猿猴馴聽梵
峰高鷹隼欲摩空日懸石溜常如雨夜落泉聲半是風
習靜了遺人世事遲遲擁臥僻成慵

慰友人應試不遇

團扇空吟薄命難西宮夜飲自承歡黃金若買長門賦
賜錦應回夢裡寒

盛斯唐

字集陶進士世翼之孫也博學工文貫穿史學所居窓几明潔器物古雅性好客多長者之游嘗僦居金陵之十廟西門毀垣敗屋蓬蒿滿門與陶詩人林古度相唱和晚以日青屏居悲愁嘆憤一寓于詩錢虞山嘗贈之詩二首又和其落葉詩二首次他字韻五首具見有學集中虞山于詞蟬啞點前賢慎所許可而獨倦倦于集陶其亦文昌之昌黎耶

贈古槐上人

久不見旻公伊蒲喜暫同寺從前代有人是別來窮鶴
夢滄桑外鶯花水月中可能分半偈萬有一歸空

元旦赴友人招

晨起無酌酢相招獨古歡問年先馬齒累客共猪肝
酒情何煖茅簷坐不寒梅花從此好莫使杖藜單

浴佛後一日為杜蒼略誕辰招同林茂之小飲

出世又一佛成詩過人又雅招今日客如在野人家盆
老難辭瓦茶香雜帶瓜二三真率會寧復問豪華

席上壽林茂之時年七十有一

八十從今數銜盃惜盛年起居山水裡性命友朋邊亂

後春無主歌來雪滿篇幅巾兼拄杖疑是地行僊

春懷

一自渡江水飄零安足論十年身瓠落八口命絲存生
計無黃閣羈棲有白門邠堪官道柳折盡客愁繁

喜晤廿五弟

別夢迢迢已十霜無情春草歇池塘風高雁陣多差錯
溪冷魚書亦渺茫杯酒山城逢落木頻年詩客有奚囊
那堪歲獲爭加薄八口何曾足稻梁

懷林茂之

幾度思君輒賦詩羽飄鱗螫每差池舊栽柳色曾無恙
新買帆風未有期千里夢回秋雨細一燈愁擁夜涼遲

病中添病人無伴老眼聞知亦淚垂

寓中感秋

鏡裏霜華感白頭那堪時序去如流螿蛄獨弔因憐月
絡緯催啼只爲秋帶葉閒聲來晚砌泥人暝色上高樓
小簾昨日西風急白雁黃花也自愁

閏午日

炎節從來不冷過閏餘清興轉婆娑榴花照眼何妨再
竹葉沾唇不厭多小巷縣門無舊虎行厨執炙有新鵝
難逢好景堪流賞肯讓飛光一擲梭

次韻和林茂之

雁從北候漸南過絨素無由寄遠何顏色屋梁明月改

淚痕衫袖晚風多
村疎葉落黃如舊
雲冷菰漂黑任他
歲月易徂離索苦
紛紛愁思遶關河

片雨高城颯颯過
已涼天氣獨居何
相如泥病知秋逼
奉倩銜悲入夜多
戶外虫鳴燈有伴
床頭鼠嚙夢憎他
中宵忽漫思千里
夢破燈殘未濟河

冬日同燕士棊生坐談

望古殷遙思未窮
高談寄在小樓東
昌明椀底傾來綠
榻拙爐邊坐轉紅
友信常披蘿薜過
家風不出竹林中
歲寒心跡能相似
松雪梅花處處同

十三夜燈

春宵三五未曾盈
龍燭銜天照滿城
豈是太平還舊俗

聊將爛熳報新晴
夜闌可禁當銜鼓樓冷
誰吹隔檻笙
一曲悄然人欲睡
舞臺歌管不勝情

十五夜雨

輕紅淺碧尺方屏
學鳥圖花手記曾
香斷綺寮無好夢
坐沉孤燭似枯僧
更逢此夕愁添病
悄避千門月與燈
歌罷酒醒無一可
闌杆風雨未堪憑

寄友人

長歌短劄十年游
我病君貧對白頭
南北江分初解纜
古今人重此登樓
同携好手思陶謝
死別吞聲哭應劉
賦就大招無一寫
霜空歲晚恨悠悠

壽古懷六十

虬欲呼聶鶴踞顛問年六十竟居然身從道健方爲宿
字在經先豈碍禪登座說來容石點半間分去讓雲眠
當窓更有梅花古歲歲寒香破雪邊

春日懷無可大師

風波失去黯魂消雲水歸來行脚遙家寄青山辭故里
寺依黃葉任前朝梅花笛裏香孤磬桃渡樽前月一瓢
記得客中同載酒至今楊柳帶春潮

舊居

剝水依然綠一灣重來不是舊柴關陶輪已轉三千劫
茅屋惟存八九間廢地周遭須種竹短牆缺略且看山
端居自覺無餘事少箇詩人共往還

病初起

匡床鷄骨擁嶙峋入酉呻吟却自辰每試參苓無一效
頓令桃李失三春弓蛇靜悟杯中影簡蠹微驅架上塵
強起下堦偷學步恐驚苔滑復依人

夜雨

密雨經風夜不休芙蓉薜荔也生愁敲殘枕上初成夢
滴破簷前未到秋濕氣暗侵香篆冷微涼偏戀竹床幽
晨興把釣呼童子溪水應添一尺流

落葉八首

堦前纔報一聲秋忽漫吹殘幾處愁黃落莫過前代寺
紅流猶憶故宮溝枝頭翠減難成幄水面孤漂恰似舟

前明風雅卷三十一
倦客登樓休悵望平林惟有暮烟浮

旋空撲地漸成堆客至呼童掃未開爭似一身輕去國
不辭遠望自登臺驚棲小鳥疑偷墮落過殘花又舞來
知是堦墀多繡澁若教飄驟護莓苔

閒情每在惜花時又對商聲怨別離劍外變衰知氣肅
長安蕭瑟爲風吹行踪莫向空山覓愁緒遙令孤客知
更有飄零亾國恨宮槐落盡管絃悲

換碧看朱思已非褪黃脫綠望全稀爭先落木蕭蕭下
故傍離亭黯黯飛敲碎閒聲驚曉夢吹來寒色上秋衣
傷心最是楓江客兩听紅殘一櫂歸

沈寥久已覺凄清何物當懸歷亂鳴可是榆錢鋪較滿
莫非山果落還輕秋從夜間休覘樹林踏空行尚有聲
池上幾時蓮粉膩朝來零露亦關情

虛踪浮跡似羈棲纔見飄東又墜西搖落遠村踈野色
靜留古砌抱霜啼林寒不愛停車坐葉冷翻愁點筆題
底事渡頭名亦改桃根失伴愈悲悽

桃葉渡今改爲橋故云

空齋樹晚儘風乾搖曳聲頻不忍看斷柳枯桐無意緒
清笳夜月總荒殘吳江信是裁詩冷南浦其如送別難
一自青楓凋玉露巫山巫峽至今寒

霜林昨夜盡成空滿眼驚飛二月紅疾響驅來如捲甲
放棹辭去任飄蓬紛紛蟲語依其下片片秋聲減個中
直待明年陰陰好還將濃綠補春風

秋柳次王阮亭韻四首

悲秋銷盡楚江魂那更身啼賦白門青
減為誰偷媚眼翠殘枉自蹙眉痕行驂隔水辭官渡步履無風出舊村
羌笛至今春不度祇餘怨恨曲中論

一夜涼颼散晚霜幾株烟樹淡橫塘折殘絲縷難盈尺
染遍衣裳空疊箱且共菊芳依處士曾爭梅信報春王
耆卿自是憐風月留得新詞滿教坊

月墮梅心舞褪衣蠻腰瘦比舊時非章臺一路青何在
漢殿千門綠漸稀蟬不倩陰遮尚咽虫將凋藥盡還飛
詩人多少尋秋興及至堤邊願又違

望斷濃陰信可憐夕陽影裏謝朝烟禪心已定休沾絮

詩老雖狂莫惱綿雨露恩多思曩日風流人獨減當年
清江一曲千條冷空有欄椿照水邊

夢

剪破鴛鴦被不成昨宵幽夢忽分明覺來幾度移衾枕
風雨吹人到五更

方叔邵

字虎玉號雪山性傲所才氣橫驚所馳自喜見貴人俗子輒目而誰之家貧嗜酒酣飲狂

踞至拍案覆杯酒汁沾濕書法若逸在草聖懷素之間人多藏弄之埒于幾壁崇禎十五年夏忽病齒遂具衣冠坐棺中凭棺援筆作絕命詞云千百鄉而不去戀此枳棘而奚為清風明月如常在翠壁丹崖我尚歸筆硯携從棺裏去山前無事好題詩書罷擲筆而逝其豪放如此

雨中

音耶屋牙冬三二
旅次年將盡惟晴放足寬浸滫連夜雨佐助一池寒戰
後人情易都中物力難此身何寄泊歸思似張翰

留別方梅師

居市無閒榻爲予若夙懸似家忘日夕因雨致連綿呼
酒常嫌薄談詩不厭玄山川多間阻狂草在君前

予爲白下無聊之遊出門同姪公林半里而別抵

樅川宿二第實甫參中次日得舟遂宿舟中

似此無聊往江頭少送船通紅漁舫火漸白月江烟亾
命侵人橫清宵領市喧纔親孤客味益覺故山妍

清山除夕同張哲如守歲

今夕長干樂事賒何緣孤客信陵家不從亂後交難定

更見寒中樹益花獨我狂歌無好興與君爛醉是生涯
明朝春向鍾山曉門外江湖鎮日譁

阮季子從皖上寓書至書中稱龍潭傳予以某日

死其日予正游雨花臺歸

南出林泉分外稠杖藜歸自雨花丘雖逢勝會同莊蝶
暫喜輕風下海鷗鄉里浪傳身是鬼美人猶隔日爲秋
近來寫得篋管就一派宜留在石頭

清明

去年酒綠杏村紅題壁猖狂爛醉中不過黃墟愁更邈
好懷禰刺路偏窮京師欲犯漁陽火武將都歸虎豹叢
重鎮皖公雄節鉞扶餘萬舸下江東

半壁雞聲繞客床不聞兵火即僊鄉中原殺運何時盡
讓我棲遲舊草堂

飲方維石若木宅有感

白門蘭酒是生涯分隊藏鉤客亂譁鄉井回看誰似我

一身存活更無家

王珩

原名璽字爾玉號寧我家故舊族藏書萬卷

幼孤母嘗口授之迨爾玉就塾時經書已成
誦矣十歲便嫻韻學有驚人之句制舉義風華出
群葉宗伯會城獨歎其不壽無何果死視賈長沙
尚歎二歲也所著詩有情癡草壺天集遭亂亦散
佚不存李子芥須僅記憶一首又記其秀句如商
量買幽築須種幾株梅又狂歌驚斷隔溪雲又半
醉顛狂斜著帽長歌踏人賭錢場其風致可挹也

更見春日過書齋

...

風塵王粲有誰迎獨喜青山不世情
膽放翠厓千尺瀑
魂驚弱柳一聲鶯幾回客舉匏尊醉此度
予扶拄杖行
怪得去來無個識莫令猿鶴浪知名

吳日景

字函三號澹庵大司馬本如之子也年七歲

一夕讀洪範竟即可背誦司馬公甚愛之隨
入蜀蜀山川人物官職軍政耳濡目染了了于中
又孰嗜內典登峨眉山便有超然出塵之思人謂
其種夙因也廕中書舍人以瑞禍起乞歸崇禎末
鳳陵災慷慨倡助草疏數萬言深切時政以中阻
不果奉母避亂白門孝行彌
謹所著世儀堂集藏于家

拜墓

白下僑居久身心亦漸安祇因霜露感不憚往來難
樹枝枝老兒衣歲歲寬傷心無限淚忍向寢門乾

悟言

不耐塵緣擾其如老病何簡方休服藥載酒且高歌身
外吾奚有心閒樂已多未知從此去還得幾年過

將返江寧塵事未竣雙溪舟中感賦

歸帆已指石城邊何事淹留數日緣晝短更兼風瑟瑟
夜長偏是雨綿綿愁心難說臣如水病况誰爲我問天
偷嬾耽閒都不得幾迴搔首輒茫然

雪窓夜讀

童子焚香研墨侍兒掃雪烹茶獨坐危樓清夜詩書老
大生涯

因友人話及家君撫蜀舊事感賦二首

瞿塘三峽水滔滔氣捲長虹勢獨豪散入荆吳流不盡

千秋和淚濕征袍

叱馭王尊惟報國渡瀘諸葛早登壇老臣往蹟知誰紀

濯錦江頭劍氣寒

涉江

身在水中总是水心遊天外强憂天水天一派無窮境
去住誰教不爽然

張

畧

字學石少攻舉子業涉獵墳籍尤精左傳家
貧教授爲生暇卽吟詩不輟案頭真劉長卿
詩一帙口誦手抄誦則一字不遺抄則轉以持贈
以故生平吟咏其佳者亦近文房李芥須亟稱之

拜齊羣玉太守墓

松閣凌雲曲徑通十年一拜紹興公許多愁緒如春草
不斷輕風細雨中

卽事

得月樓頭竹萬竿，蕭蕭直與月光寒。昨宵有客欄干裡，

吟得新詩和李端。

周述謨

字以觀，性疎放，脫略世務，自構晴雪齋，因以為號。樓臺清潔，日夕讀書，其中淪茗焚香，香

盡輒拾楓毳，蔗棗作齋六和代之。于家人鹽米，瑣屑不問也。亂後室焚，家稍落，猶掃地蒸香歌咏，自如年八

十一卒。

贈李當衡

相對都為世外人，棕鞋不惹市塵塵。頭添霜髮渾忘老，
架積牙籤豈似貧。詩酒自謀三徑樂，鶯花疑載四時春。
顧予舊有荷衣在，好共南華作比隣。

招施茶僧

別山復結一山緣，到處林泉可坐禪。休戀密雲松際月，
好收孟鉢度殘年。

孫光先

字烈卿，萬曆末諸生，好賦詩，結客有河朔任俠之風。

村夜

落日歸何許，霜樹挾風响。千山忽改色，岐路罕偕往。倦
鳥喧西林，驚沙飛宿莽。谷暗雲欲留，岩深月漸上。人冷
多幽懷，地僻寡遠賞。溪杯足夜長，殘燈照孤幌。

范世忠

字子貞，邑諸生，篤學好修，至老不倦。與弟世鑑齊名，所著有醒齋詩稿，其再返句曲道中

詩則崇禎己卯秋偕予應錄遺時所作也。同憶有如噩夢而先生宰木且拱矣。為之三歎。

舟中不寢

故鄉今夜月偏上，旅人舟未有還家夢。徒勞伏枕愁天

寒江欲雨烟老荻增秋剩得連床語隨風向北流

再返句曲道中

最是華陽道秋風夜雨橫可堪三載事空作兩番行
寂寞疲驢背迢遙古帝城誰知天下士攬轡欲澄清

吳用銘

字士新萬曆間諸生大廷尉玉華公之仲子也詩不多見楊子古度以寄答詩一首見

亦清雅可誦

寄答楊古度見懷

寒風陣陣墨雲濃水國蕭條雁影重憐我一身逢世難
多君片札慰愁衷悲來泣下都成血客裏衣單畏近冬
聞說鄉關猶帶甲何時杖屨得追從

